




Bosna i Hercegovina
Federacija Bosne i Hercegovine
Tuzlanski kanton
Ministarstvo za kulturu, sport i mlade

INFORMACIJA
o stanju u oblasti sporta na području Tuzlanskog kantona u 2019. godini



Juni 2020. godine

SADRŽAJ

SAŽETAK	3
1 UVOD	5
2 STANJE U OBLASTI SPORTA	6
2.1 <i>Subjekti u oblasti sporta na području Tuzlanskog kantona</i>	6
2.2 <i>Stanje sporta na području Tuzlanskog kantona u 2019. godini</i>	7
3 AKTIVNOSTI SPORTSKIH SAVEZA NA NIVOU TUZLANSKOG KANTONA U 2019. GODINI	12
3.1 <i>Aktivnosti Sportskog saveza Tuzlanskog kantona u 2019. godini</i>	12
3.2 <i>Aktivnosti Sportskog saveza osoba sa invaliditetom Tuzlanskog kantona u 2019. godini</i>	14
3.3 <i>Informacije gradskih/općinskih sportskih saveza na području Tuzlanskog kantona u 2019. godini</i>	15
4 PODRŠKA RAZVOJU SPORTA OD STRANE ORGANA VLASTI	30
4.1 <i>Podrška Ministarstva civilnih poslova BiH sportskim manifestacijama u 2019. godini</i>	30
4.2 <i>Poticaji razvoju sporta od strane Federalnog ministarstva kulture i sporta</i>	30
4.3 <i>Podrška razvoju sporta iz sredstava Budžeta Tuzlanskog kantona za 2019. godinu</i>	33
4.4 <i>Podrška razvoju sporta iz budžeta lokalnih zajednica Tuzlanskog kantona</i>	36
5 INSTITUCIONALNI I REGULATORNI OKVIR ZA SPORT NA PODRUČJU TUZLANSKOG KANTONA	37
6 SMJERNICE RAZVOJA SPORTA NA PODRUČJU TUZLANSKOG KANTONA U 2019. GODINI	37

SAŽETAK

U skladu sa Programom rada Vlade i Skupštine Tuzlanskog kantona za 2020. godinu, Ministarstvo za kulturu, sport i mlade (u daljem tekstu: Ministarstvo) izradilo je Informaciju o stanju u oblasti sporta na području Tuzlanskog kantona za 2019. godinu.

Cilj izrade Informacije jeste ostvarivanje kontinuiranog praćenja stanja u sportu, i to kroz rad u sportskim savezima i klubovima, kroz stanje stručnog kadra, rezultata klubova i sportista, finansijske i druge podrške svim segmentima sporta, a sa krajnjom svrhom upoznavanja Vlade i Skupštine Tuzlanskog kantona sa stanjem sporta i smjericama za razvoj sporta na području Tuzlanskog kantona.

Informacija o stanju u oblasti sporta bazirana je na podacima dobivenim od različitih subjekata uključujući Poreznu upravu Federacije BiH Kantonalni porezni ured Tuzla, Ministarstvo pravosuđa i uprave Tuzlanskog kantona, Sportski savez Tuzlanskog kantona, Sportski savez osoba sa invaliditetom, te evidenciju Ministarstva Tuzlanskog kantona.

Informacija daje uvid u stanje sporta na području Tuzlanskog kantona, aktivnosti sportskih saveza na području Tuzlanskog kantona, izdvojena sredstva za podršku razvoju sporta od strane državnog, federalnog i kantonalnog ministarstva nadležnog za oblast sporta, kao i jedinica lokalne samouprave na području Tuzlanskog kantona. Informacija daje uvid u institucionalni i regulatorni okvir za sport na području Tuzlanskog kantona, a sastavni dio Informacije čine smjernice za aktivnosti u 2020. godini koje bi doprinijele razvoju sporta na području Tuzlanskog kantona.

Prema podacima Porezne uprave Federacije BiH Kantonalnog poreznog ureda Tuzla **na području Tuzlanskog kantona u 2019. godini djelovalo je 624 aktivnih subjekata u oblasti sporta, kojima je osnovna djelatnost rad sportskih klubova, djelatnost sportskih objekata, djelatnost fitnes centara i ostalih sportskih aktivnosti.** Najveći broj subjekata u oblasti sporta djeluje na području Grada Tuzla (228), nakon čega slijede općine Lukavac (77), Gradačac (58), Živinice (56), Gračanica (42), Srebrenik (39), Banovići (34), Kalesija (33), Kladanj (14), Doboj Istok (15), Čelić (12), Teočak (9) i Sapna (7).

U 2019. godini, prema podacima iz registra Ministarstva pravosuđa i uprave Tuzlanskog kantona, registrovano je ukupno **29 novih subjekata – sportskih klubova i udruženja u oblasti sporta.**

Na stanje sporta na području Tuzlanskog kantona u 2019. godini, kao i na sve oblasti društvenog života uticala je ekonomska situacija u državi. Blagim povećanjem ekonomske aktivnosti i blagog rasta ekonomije neznatno su povećana i finansijska izdvajanja za sport, koja su još uvijek nedovoljna za značajniji razvoj ove izuzetno važne oblasti. I pored toga, **na području Tuzlanskog kantona se i u 2019. godini odvijala organizovana sportska aktivnost, a sportisti iz Tuzlanskog Kantona su i u ovoj godini učestvovali i ostvarivali značajne rezultate** na takmičenjima organizovanim od nivoa lokalnih zajednica, kantona, entiteta, državnih liga i prvenstava, do velikih međunarodnih takmičenja.

Ako se uzme u obzir iznos finansijske podrške programima i projektima u oblasti tjelesne kulture i sporta, rezultati koje su postizali sportisti sa područja Tuzlanskog kantona u 2019. godini su zadovoljavajući.

Na nivou Tuzlanskog kantona u skladu sa zakonskim odredbama uspostavljeni su Sportski savez Tuzlanskog kantona, Sportski savez osoba sa invaliditetom Tuzlanskog kantona, granski sportski savezi na nivou Tuzlanskog kantona, kao i gradski/općinski sportski savezi. Na osnovu rezultata rada sportskih saveza na području Tuzlanskog kantona u 2019. godini može se zaključiti da su i pored teških uslova u kojima djelule i razvija se sport na području

Tuzlanskog kantona realizirane određene aktivnosti s ciljem unapređenja stanja sporta na području Kantona.

Podrška razvoju oblasti tjelesne kulture i sporta vrši se iz budžeta različitih nivoa vlasti. U 2019. godini Ministarstvo civilnih poslova nije dodjeljivalo sredstva u okviru Javnog konkursa za dodjelu sredstava namijenjenih za tekući grant "Sufinansiranje sportskih manifestacija", što pokazuje da finansijska sredstva i u vremenu blagog ekonomskog rasta nisu adekvatno usmjerena na oblasti za koje su predviđena. Nerealizacija projekata sa najvišeg nivoa vlasti značajno tereti ostale nivoe vlasti, ali ukazuje i na potencijalne probleme i nedovoljan angažman za unapređenje u oblasti sporta.

U okviru Javnog poziva za odabir programa i projekata koji su se sufinansirati iz Budžeta Federacije Bosne i Hercegovine u 2019. godini putem Transfera za sport od značaja za Federaciju, Federalnog ministarstva kulture i sporta za 30 korisnika sa područja Tuzlanskog kantona (što čini 9,9% od ukupnog broja odabranih korisnika) odobreno je 69.000,00 KM što čini 6,8% od ukupnog iznosa dodijeljenih sredstava. Dodatno, Federalno ministarstvo kulture i sporta je u okviru Javnog konkursa za raspodjelu dijela prihoda ostvarenih po osnovu naknada za priređivanje igara na sreću u 2019. godini dodijelilo ukupno 189.000,00 KM za projekte iz oblasti sporta za 51 korisnika, među kojima nema niti jedne sportske organizacije sa područja Tuzlanskog kantona.

U 2019. godini Ministarstvo Tuzlanskog kantona podržalo je programe/projekte sportskih organizacija kroz sistem sufinansiranja, u ukupnom iznosu od 592.898,00 KM. Od ovog iznosa 392.808,00 KM odobreno je za projekte nosilaca sportskih aktivnosti koji su ispunjavali uslove na Javnom pozivu za sufinansiranje programa/projekata sportskih organizacija u oblasti tjelesne kulture i sporta za 2019. godinu, na osnovu pojedinačnih zahtjeva sportskih organizacija podržana su 32 projekta u ukupnom iznosu od 115.000,00 KM. Sredstva za redovno sufinansiranje Sportskog saveza Tuzlanskog kantona iznosila su 37.192,00 KM. U 2019. godini po prvi puta su u skladu sa odredbama Zakona o sportu („Službene novine Tuzlanskog kantona“, br. 8/10, 8/13 i 6/18) (u daljem tekstu Zakona o sportu) dodijeljena sredstva za redovno sufinansiranje Sportskog saveza osoba sa invaliditetom koja su iznosila 7.000,00 KM. Tako je i u ovom segmentu nastavljen trend, koji, kroz već pomenuti sistem sufinansiranja, podrazumjeva podršku razvoju sportskih organizacija sa područja Tuzlanskog kantona. Pored sredstava sportskim organizacijama dodijeljene su i sportske stipendije putem Javnog poziva za dodjelu sportskih stipendija vrhunskim, kvalitetnim i perspektivnim sportistima za 2019. godinu. Ukupno je dodijeljeno 13 stipendija vrijednosti 34.800,00 KM, a koje su ostvarili sportisti koji su ispunjavali kriterije po javnom pozivu.

Većina lokalnih zajednica na području Tuzlanskog kantona je u 2019. godini povećavala izdvajanja za sport, pri čemu prednjači Grad Tuzla sa 3,3 miliona KM izdvojenih za sport u 2019. godini.

Ministarstvo je krajem 2019. godine pokrenulo i realizovalo aktivnosti vezane za promociju bavljenja sportom a to su TV emisija „Timski za sport“ i informativni časopis o sportu „Sportski glasnik TK“, što je za cilj imalo promociju profesionalnog, amaterskog i školskog sporta, sa posebnim osvrtom na zapažene rezultate sportista, sportskih klubova, društava i asocijacija koji egzistiraju na području Tuzlanskog kantona, čiji rezultati često u javnosti opterećenoj dnevno političkim dešavanjima ostaju nezapažene. Takođe, kroz ova dva projekta izvršena je medijska promocija uspješnih sportskih organizacija, sportista i sportskih radnika sa područja svih gradova i opština Tuzlanskog kantona, kako bi se prvenstveno mlađoj populaciji približila važnost bavljenja sportom, ali i afirmacija aktivnosti masovno-rekreacijskog karaktera i sportskih aktivnosti, kako bi stimulisali povećanje broja sportski aktivnih građana, zbog važnosti bavljenja sportom za zdravlje.

Ministarstvo je u 2019. godini u skladu sa odredbama Zakona o sportu, radilo na implementaciji tog zakona. S tim u vezi krajem 2019. godine započete su aktivnosti na imenovanju Savjeta za sport kao savjetodavnog tijela ministarstva koje se brine o razvoju i kvalitetu sporta na nivou kantona. Ministarstvo je započelo i aktivnosti oko izrade propisa o vođenju registra za fizičke i registra za pravne osobe, te se u drugoj polovini 2020. godine očekuje uspostava registra čime se stvara daleko kvalitetnija baza podataka koja će predstavljati službenu evidenciju o pravnim i fizičkim licima u Tuzlanskom kantonu registrovanim za obavljanje sportskih aktivnosti i djelatnosti u skladu sa Zakonom o sportu.

Smjernice za aktivnosti koje je potrebno realizirati u 2020. godini kako bi se doprinijelo unapređenju stanja sporta na području Tuzlanskog kantona značajno su se promijenile usljed novonastale situacije izazvane pandemijom COVID – 19. S toga se u ovoj informaciji daju kratkoročne i dugoročne smjernice. Kratkoročne smjernice se odnose na aktivnosti koje će se poduzeti u cilju ublažavanja posljedica koje su izazvane nastalom pandemijom i sa kojima su se sportske organizacije suočile. Dugoročne smjernice daju pregled aktivnosti kojima će se stanje u sportu značajno unaprijediti. One obuhvataju unapređenje regulatornog okvira za rad sportskih organizacija i razvoj sporta odnosno kontinuirano praćenje primjene Zakona o sportu i njegovih efekata te pripremu analiza i inicijativa za dalje unapređenje regulatornog okvira za oblast sporta. U narednom periodu neophodno je unaprijediti procedure finansiranja podrške razvoju sporta te realizirati aktivnost na promociji bavljenja sportom i tjelesnom kulturom. Također, neophodno je afirmacijom aktivnosti masovno-rekreacijskog karaktera i sportskih aktivnosti, stimulisati povećanje broja sportski aktivnih građana. Podrška stručnom radu u oblasti sporta kao i povezivanje i jačanje saradnje svih relevantnih aktera iz oblasti sporta na području Tuzlanskog kantona definisane su smjernice čija implementacija bi ostvarila doprinos razvoju sporta na području Tuzlanskog kantona.

1 UVOD

Informacija o stanju u oblasti sporta na području Tuzlanskog kantona u 2019. godini izrađena je kao dio realizacije Programa rada Vlade i Programa rada Skupštine Tuzlanskog kantona za 2020. godinu, za čiju izradu je zaduženo Ministarstvo Tuzlanskog kantona. Informacija pruža i osnov za definisanje programa i aktivnosti koji će doprinijeti razvoju sporta na području Kantona.

Nakon uvodnog dijela Informacije, dat je pregled stanja sporta na području Tuzlanskog kantona sa ključnim informacijama koje karakterišu stanje sporta na području Kantona.

Treći dio Informacije posvećen je aktivnostima sportskih saveza koji djeluju na području Tuzlanskog kantona, dok je u četvrtom dijelu informacije dat pregled dodijeljenih bespovratnih sredstava za podršku razvoju sporta u 2019. godini od strane ostalih nivoa vlasti, kao i pregled izdvajanja sredstava u okviru Javnog poziva za sufinansiranje programa/projekata sportskih organizacija i ostvarivanje javnog interesa Tuzlanskog kantona u oblasti tjelesne kulture i sporta za 2019. godinu, kao i ostale aktivnosti Ministarstva Tuzlanskog kantona na finansijskoj podršci razvoju sporta provedene u 2019. godini. Dio 4 Informacije sadrži i pregled izdvajanja sredstava za sport iz budžeta lokalnih zajednica na području Tuzlanskog kantona u 2019. godini.

U dijelu 5 dat je osvrt na institucionalni i regulatorni okvir za sport na području Tuzlanskog kantona.

U posljednjem dijelu Informacije dat je prijedlog smjernica za razvoj sporta na području Tuzlanskog kantona u 2020. godini.

Posebnu zahvalnost u izradi Informacije o stanju sporta na području Tuzlanskog kantona za 2019. godinu Ministarstvo Tuzlanskog kantona iskazuje Poreznoj upravi Federacije BiH Kantonalnom poreznom uredu Tuzla, Ministarstvu pravosuđa i uprave Tuzlanskog kantona,

Sportskom savezu Tuzlanskog kantona, Sportskom savezu osoba sa invaliditetom Tuzlanskog kantona te gradskim/općinskim sportskim savezima za dostavljene podatke koji su korišteni pri izradi Informacije.


2 STANJE U OBLASTI SPORTA

2.1 *Subjekti u oblasti sporta na području Tuzlanskog kantona*

Kao i u mnogim oblastima u Bosni i Hercegovini, i u oblasti sporta ne postoji jedinstven registar svih aktivnih institucija i subjekata u oblasti sporta. Prema evidencijama Sportskog saveza Tuzlanskog kantona na području Tuzlanskog kantona ima oko 400 registrovanih sportskih organizacija sa oko 25.000 uključenih sportista u raznim granama sportova, od atletike i plivanja kao baznih grana sporta, preko kolektivnih igara košarke, odbojke, rukometa, nogometa kao i velikog broja uključenih u borilačke sportove (karate, boks, kik boks i dr.).

Uvažavajući činjenicu da ne postoji adekvatan registar odnosno baza sa relevantnim podacima o aktivnim subjektima u oblasti sporta, u svrhu što kvalitetnijeg uvida, Ministarstvo Tuzlanskog kantona obratilo se Poreskoj upravi Federacije BiH Kantonalnom poreznom uredu Tuzla za dostavu informacija o subjektima iz oblasti sporta iz evidencije ove institucije. Prema podacima Porezne uprave Federacije BiH Kantonalnog poreznog ureda Tuzla na području Tuzlanskog kantona u 2019. godini djelovao je 624 aktivan subjekt u oblasti sporta. Pregled broja subjekata u oblasti sporta s statusom „aktivan“ u gradovima i općinama Tuzlanskog kantona u 2019. godini prezentiran je na Slici 1.

Slika 1. Pregled aktivnih subjekata u oblasti sporta na području Tuzlanskog kantona u 2019. godini po lokalnim zajednicama¹



Kao što se može vidjeti sa Slike 1., najveći broj subjekata u oblasti sporta djeluje na području Grada Tuzla (228), nakon čega slijede općine Lukavac (77) i Gradačac (58).

Najveći broj navedenih subjekata posluje u djelatnosti sportskih klubova (87,0 %), 2,7 % u djelatnosti fitness centara, 1,2% u djelatnosti rada sportskih objekata dok njih 9,1% posluje u ostalim sportskim djelatnostima.

¹ Izvor: Porezna uprava Federacije BiH – Kantonalni porezni ured Tuzla. Podaci obuhvataju subjekte u statusu „aktivan“ zaključno sa 31.12.2019. godine.

Ukoliko se posmatra dužina poslovanja odnosno datum registracije subjekata u oblasti sporta uočava se da i ovi podaci ukazuju na dugu tradiciju sporta na području Tuzlanskog kantona. Naime, na području Tuzlanskog kantona pojedini subjekti u oblasti sporta su osnovani još davne 1964. godine i još uvijek su aktivni.

Od ukupnog broja aktivnih sportskih organizacija (624) samo njih 86 ima evidentirane zaposlene. Broj zaposlenih kreće se od 231-283, u zavisnosti da li se podaci uzimaju za prijavljene radnike ili one za koje su izmireni doprinosi. Najveći broj subjekata je registrovan kao udruženje, upravo iz razloga specifičnosti organizacije i djelovanja sportskih kolektiva koja se u skladu sa odredbama Zakona o sportu osnivaju kao udruženja, ali u ukupnom broju registrovanih udruženja koja se bave sportskom djelatnošću mali broj je onih koji imaju zaposlene. Prema urađenoj analizi dostavljenih podataka ukupan broj aktivnih sportskih organizacija registrovanih kao udruženja koji imaju prijavljene radnike a koji se bave sportskom djelatnošću iznosi 50. U ovom broju udruženja prema mjesečnom izvještaju o isplaćenim plaćama (Obrazac MIP), ukupno su prijavljene 154 osobe, dok je taj broj prema Obrascu JP (uplaćenim doprinosima) nešto manji.

Prema podacima iz registra Ministarstva pravosuđa i uprave Tuzlanskog kantona, registrovano je ukupno 29 novih subjekata – sportskih klubova i udruženja u oblasti sporta u 2019. godini. Kako se sportske organizacije registruju najvećim dijelom kao udruženja za koje registar vodi upravo Ministarstvo pravosuđa i uprave Tuzlanskog kantona prilikom prikupljanja podataka u svrhu sagledavanja stanja u oblasti sporta utvrđeno je da podaci koji se dostavljaju iz registra udruženja imaju određenih manjkavosti, zbog čega često nije moguće uraditi kvalitetnu analizu tako dostavljenih podataka.

2.2 Stanje sporta na području Tuzlanskog kantona u 2019. godini

Na stanje sporta na području Tuzlanskog kantona u 2019. godini, kao i na sve oblasti društvenog života uticala je ekonomska situacija u državi. Blagim povećanjem ekonomske aktivnosti i blagog rasta ekonomije neznatno su povećana i finansijska izdvajanja za sport, koja su još uvijek nedovoljna za značajniji razvoj ove izuzetno značajne oblasti. Pored toga neadekvatan pravni okvir u ovoj oblasti, kao i djelimična odnosno nepotpuna primjena postojećih propisa znatno utiče na nedovoljno uključivanje svih relevantnih aktera kako bi se značajnije poboljšalo stanje u oblasti sporta, koje je definisano kao djelatnost od javnog interesa na području Tuzlanskog kantona.

Već niz godina evidentan je i nedostatak razumijevanja i nedovoljno razvijena svijest svih relevantnih aktera o značaju uloge tjelesne kulture i sporta na razvoj djece, omladine i cjelokupnog društva i zajednice. Fizička neaktivnost djece, a pogotovo adolescenata, negativno utječe na njihov pravilan fizički i duhovni razvoj što dugoročno može ugroziti zdravlje građana, dok istovremeno umanjuje regrutnu bazu za vrhunski sport.

I pored toga, na području Tuzlanskog kantona se i u 2019. godini odvijala organizovana sportska aktivnost, kroz klubove kao osnovne ćelije sporta, kroz sportske saveze na nivou gradova i općina Tuzlanskog kantona, strukovne saveze, Sportski savez Tuzlanskog Kantona, Sportski savez osoba sa invaliditetom Tuzlanskog kantona te uz finansijsku podršku Vlade Tuzlanskog kantona i nadzor Ministarstva kulture, sporta i mladih Tuzlanskog kantona.

Međutim, upravo nedovoljna finansijska podrška posebno sa viših nivoa vlasti, neadekvatan pravni okvir i nepotpuna primjena postojećih propisa u oblasti sporta koji je na nivou Bosne i Hercegovine organizovan na decentralizovan način, nepostojanje osnovnih polazišta i pravaca razvoja sporta, su glavni razlozi izostanka vrhunskih sportskih rezultata. Uspostavljanjem registara pravnih i fizičkih lica u oblasti sporta na području Tuzlanskog kantona dobiće se relevantniji i kvalitetniji podaci o subjektima u oblasti sporta na osnovu kojih će se imati objektivnije stanje sporta u cjelini, te će se na taj način stvoriti daleko kvalitetnija polazišta za stvaranje vrhunskih sportskih rezultata.

Sportisti iz Tuzlanskog Kantona su i u 2019. godini učestvovali i ostvarivali značajne rezultate na takmičenjima organizovanim od nivoa lokalnih zajednica, kantona, entiteta, državnih liga i prvenstava do velikih međunarodnih takmičenja. Sportski kolektivi i pojedinci iz Tuzlanskog kantona kontinuirano ostvaruju zapaženo učešće u reprezentativnim selekcijama BiH u skoro svim granama sporta, na olimpijskim, svjetskim, evropskim, mediteranskim, balkanskim prvenstvima, kao i u kup-šampionatima.

Najvažniji rezultati u 2019 godini

Ženski košarkaški klub RMU Banovići je osvojio prvo mjesto u prvenstvu BiH i prvo mjesto u kupu BiH, Odbojkaški klub Kula Gradačac osvojio je drugo mjesto u Kupu BiH i četvrto mjesto u Premijer ligi BiH, dok su Rukometni klub Gračanica i Omladinski košarkaški klub Sloboda ostvarili plasman u play off Premijer ligi BiH.

Značajan broj klubova sa područja Tuzlanskog kantona takmiči se u prva dva sistema takmičenja u BiH kako slijedi:²

ATLETIKA

1. AK „Sloboda Tehnograd“ Tuzla – Prvenstvo BiH
2. AK Doboj Istok – Prvenstvo BiH

PLIVANJE

1. PK „Galeb“ Lukavac – Prvenstvo BiH
2. PK „Sloboda“ Tuzla – Prvenstvo BiH
3. PK „Zmaj ALPAM“ Tuzla – Prvenstvo BiH
4. KVS „Jedinstvo“ Tuzla – Prvenstvo BiH

BICIKLIZAM

1. BK „Zmaj od Bosne“ Tuzla – Prvenstvo BiH
2. BK „Jedinstvo“ Tuzla – Prvenstvo BiH
3. BBK „Extreme“ Tuzla – Prvenstvo BiH
4. BK Gračanica – Prvenstvo BiH
5. BK Živinice – Prvenstvo BiH

KUGLANJE

1. KK „Sloboda“ Tuzla – Prva Liga BiH
2. KK „Zrinski“ Ljubače- Bistarac - Prva Liga BiH
3. ŽKK „Rad“ Lukavac – Prva Liga BiH

HRVANJE

1. HK „Sloboda“ Tuzla – Prvenstvo BiH

ODBOJKA

Ženski klubovi:

1. OK „Kula“ Gradačac – Premijer Liga BiH
2. ŽOK „Sloboda“ Tuzla – Premijer Liga BiH
3. OK „Smeč“ Lukavac - Premijer Liga BiH
4. ŽOK „Bosna“ Kalesija - Prva Federalna liga
5. OK Gradina–Herceg Srebrenik - Prva Federalna liga
6. ŽOK Gračanica Fortex - Prva Federalna liga
7. ŽOK Lukavac – Prva Federalna liga
8. ŽOK Stars Živinice – Prva Federalna liga

² Izvor: Sportski savez Tuzlanskog kantona

Muški klubovi:

1. OK „Bosna“ Kalesija – Prva Federalna liga
2. OK „7“ Lukavac – Prva Federalna liga
3. OK „Gradina -Herceg“ Srebrenik - Prva Federalna liga
4. OK „Sloboda“ Tuzla - Prva Federalna liga

BOKS

1. KBS „Banovići“ Banovići – Prvenstvo BiH
2. BK „Sloboda“ Tuzla – Prvenstvo BiH
3. BK Živinice – Prvenstvo BiH

KIK BOKS

1. KIK „Flec Tom“ Tuzla – Prvenstvo BiH
2. KBV „Sloga“ Tojšići – Prvenstvo BiH
3. KBV „Podrinje“ Tuzla – Prvenstvo BiH

NOGOMET

Muški klubovi:

1. FK Sloboda Tuzla – Premijer liga BiH
2. FK „Tuzla City“ Tuzla – Premijer liga BiH
3. NK Bratstvo Gračanica – Prva liga FBiH
4. NK Slaven Živinice – Prva liga FBiH
5. NK Zvijezda Gradačac – Prva liga FBiH
6. FK Budućnost Banovići – Prva liga FBiH

Futsal:

1. MNK „Salines“ Tuzla – Premijer liga BiH
2. MNK „Kaskada Gračanica – Prva futsal liga Federacije BiH
3. MNK „Bosna Kompred“ Tuzla – Prva futsal liga Federacije BiH
4. MNK „Banovići“ Banovići – Prva futsal liga Federacije BiH
5. MNK „Lukavac“ Lukavac – Prva futsal liga Federacije BiH
6. FC „Bašigovci“ Živinice – Prva futsal liga Federacije BiH
7. FC „Lilium“ Doboj Istok – Prva futsal liga Federacije BiH

Ženski klubovi:

1. ŽOFK Gradina Srebrenik – Prva liga Federacije BiH
2. ŽNK Sloboda Tuzla – Prva liga Federacije BiH
3. ŽFK Fortuna Živinice – Prva liga Federacije BiH

RUKOMET

Muški klubovi

1. RK Konjuh Živinice – Premijer Liga BiH
2. RK Gračanica - Premijer Liga BiH
3. RK Sloboda Solana Tuzla - Premijer Liga BiH
4. RK Gradačac - Prva liga Federacije BiH
5. RK Lukavac - Prva liga Federacije BiH
6. RK Rudar Banovići - Prva liga Federacije BiH

Ženski klubovi

1. OŽRK Jedinstvo Atlas Relax Tuzla – Premijer Liga BiH
2. ŽRK Živinice – Prva liga Federacije BiH

KOŠARKA

Muški klubovi

1. OKK Sloboda Tuzla - Prva liga BiH
2. KK Gračanica - A-1 liga BiH (drugi stepen takmičenja u BiH)
3. KK Spartans Živinice - A-1 liga BiH (drugi stepen takmičenja u BiH)

Ženski klubovi

1. KK Jedinstvo BH Telecom – Tuzla - Prva liga BiH
2. ŽKK RMU Banovići - Prva liga BiH

STONI TENIS

1. STK Kreka – Tuzla Premijer liga BiH
2. STK Spin - Doboj Istok - Prva liga (drugi stepen takmičenja u BiH)
3. STK Lukavac – Prva liga

STRELJAŠTVO

1. SK Strijelac – Tuzla - Prvenstvo BiH
2. SK Strijelac – Devetak - Prvenstvo BiH

DŽUDO

1. Džudo klub Lukavac - Prvenstvo BiH
2. Džudo klub Tuzla - Prvenstvo BiH

DIZANJE TEGOVA

1. Klub dizača tegova Tuzla - Prvenstvo BiH

Zahvaljujući stručnim osobama, osposobljenim za rad u sportu, sportskim radnicima, entuzijastima, kao i finansijskoj podršci Vlade Tuzlanskog kantona, sportska postignuća se ogledaju kroz pažnje vrijedan kontinuitet u rezultatima, koji su pretpostavka i za vrhunske rezultate.

Bilježeći značajne rezultate, sportisti Tuzlanskog kantona su još jednom pokazali da su najbolji ambasadori Kantona, kako u zemlji, tako i u inostranstvu.

- **Ermin Jusufović** sa reprezentacijom BiH u sjedećoj odbojci osvojio srebrnu medalju na Evropskom prvenstvu,
- **Hamza Čajić** KBS ORRKA Lukavac - bronzana medalja evropsko prvenstvo u karateu u kategoriji mlađi seniori,
- **Almin Hodžić**, -67 KG(KBV“Flek Tom-Cat” Tuzla) SJ, LOW KICK; evropsko prvenstvo za kadete i juniore – srebrna medalja,
- **Zaim Kulanić**, +81 KG(KBS “Golden Team” Kalesija) MJ, LOW KICK; evropsko prvenstvo za kadete i juniore – srebrna medalja,
- **Huso Turić**, -91 KG (KBS “Golden Team” Kalesija) SJ, LOW KICK; evropsko prvenstvo za kadete i juniore – bronzana medalja.



Ovo su samo neki od najznačajnijih rezultata sportista sa područja Tuzlanskog kantona. Nažalost, u 2019. godini, nisu pokrenuti planirani i potrebni projekti masovnog karaktera, a koji se odnose na školsku i studentsku populaciju, a sve u cilju uključivanja što većeg broja omladine u sportske aktivnosti i brige za tzv. aktivno zdravlje, što spada u strateške interese svih razvijenih zemalja u svijetu, tako i Tuzlanskog kantona.

Kao i u prethodnim godinama, tako je i u 2019. godini bio prisutan trend formiranja škola sportova po pojedinim granama sporta, što može biti pouzdana osnova za nadogradnju sportskih rezultata.

U kontekstu **stručnih kadrova**, sportske organizacije kao pravne osobe koje se bave sportskom djelatnošću dužne su da obezbijede da stručne poslove u oblasti sporta mogu obavljati isključivo stručne osobe osposobljene za rad u sportu i to: treneri, kondicijski treneri i instruktori, što je propisano članom 52. Zakona o sportu. Implementacijom pomenutog člana Zakona, stvorene su pretpostavke kvalitetnog i stručno zastupljenog rada, prvenstveno sa sportistima u mlađim dobnim kategorijama, te naravno i sa seniorima. Na ovaj način stručni kadrovi koji se školuju na Fakultetu za tjelesni odgoj i sport na Univerzitetu u Tuzli, moći će biti uključeni u rad u sportskim organizacijama, te tako stručna i naučna saznanja stečena na studiju implementirati u trenažni proces, a time i u podizanje nivoa sportskih rezultata u dužem vremenskom periodu. Također, na Fakultetu za tjelesni odgoj i sport Univerziteta u Tuzli, već dugi niz godina uspješno je organizovan postdiplomski studij kao i proces sticanja zvanja doktora nauka iz oblasti sporta, te zavidna naučno-istraživačka djelatnost. Na području Tuzlanskog kantona sa uspjehom djeluje i stručno udruženje Društvo pedagoga tjelesnog i zdravstvenog odgoja Tuzlanskog kantona, a rezultati njihovog rada su vidljivi i za svaku pohvalu. Fakultet za tjelesni odgoj i sport Univerziteta u Tuzli u 2019. godini aktivno je bio uključen u pomoć vrhunskim sportistima sa područja Kantona na polju dijagnosticiranja, planiranja i programiranja trenažnog procesa a sa ciljem postizanja vrhunskih rezultata.

Sportski objekti u Tuzlanskom kantonu najvećim dijelom su u lošem stanju čime je umanjena mogućnost djece i omladine za bavljenje sportom, a samim time je smanjena mogućnost postizanja vrhunskih sportskih rezultata. Posebno manje općine imaju problem sa sportskim dvoranama i prostorom za trenažni proces. Planskim i adekvatnim ulaganjem u sportsku infrastrukturu ne samo da se stvaraju uslovi za postizanje vrhunskih sportskih rezultata, već se poboljšavaju i uslovi za život stanovništva.

Na području Tuzlanskog kantona postoje:

- dva bazena zatvorenog tipa od kojih je za potrebe trenažnog procesa i građanstva u funkciji samo jedan (Hotel Tuzla),
- sedam nogometnih stadiona na kojima se igraju utakmice Premijer lige Bosne i Hercegovine, Prve i Druge Federalne lige od kojih samo jedan ima atletsku tartan stazu,
- dvadeset teniskih terena od kojih je većina na području Grada Tuzla,
- deset sportskih dvorana i
- nedovoljan broj fiskulturnih školskih sala za potrebe nastave tjelesnog odgoja osnovnih i srednjih škola kao baze za razvoj školskog sporta.³

Posebnu pažnju treba posvetiti stvaranju uslova kroz sportsku infrastrukturu ulaganja u rekonstrukciju postojećih i izgradnju novih objekata prilagođenih za potrebe bavljenja sportom. Najveći efekat, koji bi bio optimalan, postigao bi se ulaganjem u školske objekte i izgradnju sala za potrebe tjelesnog i zdravstvenog odgoja koje treba da budu prilagođene bavljenju sportskih aktivnosti i organizovanju sportskih, ali i drugih manifestacija. Ovakvim

³ Izvještaj o radu Sportskog saveza Tuzlanskog kantona za 2019. godinu, april 2020. godine

planskim planiranjem i ulaganjem u sportsku infrastrukturu najviše pozitivnog uticaja bi bilo na manje opštine koje imaju veliki odliv stanovništva, posebno mladih, jer bi se stvarali uslovi za kvalitetnije provođenje slobodnog vremena, ali i mogućnosti za ostvarivanje značajnijih rezultata u oblasti sporta.


Mnogi klubovi na području Tuzlanskog kantona imaju trenažne procese u fiskulturnim salama škola kao javnih ustanova, i koji za potrebe odvijanja trenažnog procesa plaćaju zakup. Veliki broj fiskulturnih sala nije adekvatno opremljen, a često iste nisu funkcionalne za odvijanje kvalitetnih trenažnih procesa. Vlada Tuzlanskog kantona bi kroz ulaganje u školske sale mogla da potiče ulaganje u sport kao vid ulaganja javnih sredstava. Ovakav vid kapitalnog investiranja imao bi dvojako dejstvo i u oblasti obrazovanja i u oblasti sporta. Takođe, podrška sportskim organizacijama bi se mogla ostvariti i na način da se fiskulturne sale škola kao javnih ustanova iznajmljuju sportskim organizacijama po povoljnijim uslovima, što uz podršku Vlade Tuzlanskog kantona podrazumijeva interesorno djelovanje Ministarstva obrazovanja i nauke i Ministarstva.

3 AKTIVNOSTI SPORTSKIH SAVEZA NA NIVOU TUZLANSKOG KANTONA U 2019. GODINI

Na nivou Tuzlanskog kantona uspostavljen je Sportski savez Tuzlanskog kantona, Sportski savez osoba sa invaliditetom Tuzlanskog kantona, granski sportski savezi na nivou Tuzlanskog kantona, kao i gradski/općinski sportski savezi, te granski sportski savezi na nivou grada/općine. Osnovna svrha udruživanja klubova u sportske saveze je ostvarivanje zajedničkih ciljeva i zajedničkog nastupanja u oblasti sporta. Pored toga Grad/općine na području Tuzlanskog kantona preko sportskih saveza ostvaruju javni interes u oblasti sporta. U nastavku prezentiramo ključne aktivnosti sportskih saveza na području Tuzlanskog kantona u 2019. godini.

3.1 Aktivnosti Sportskog saveza Tuzlanskog kantona u 2019. godini

Na osnovu člana 27. Zakona o sportu propisano je da se sportski savezi općina i granski sportski savezi Kantona udružuju u Sportski savez kantona.



Sportski savez Tuzlanskog kantona osnovan je 1998. godine na inicijativu tadašnjeg Ministarstva za obrazovanje, nauku, kulturu i sport Tuzlanskog kantona. Osnovni zadaci ove organizacije su da kreira politiku sporta u svim segmentima na nivou Kantona. Organi Sportskog saveza Tuzlanskog kantona su Skupština, Predsjedništvo, Izvršni odbor i Nadzorni odbor. Skupština je vrhovno tijelo, a izvršni organ, koji ujedno rukovodi Sportskim savezom je

Predsjedništvo Sportskog saveza.

Sportski savez Tuzlanskog kantona je krovna organizacija u oblasti sporta na nivou Kantona i kao takva nadležna je za:

- a) organizovanje poslova izrade radne verzije Strategije razvoja sporta Kantona,
- b) organizovanje poslova izrade radne verzije Godišnjeg programa razvoja sporta Kantona u skladu sa Strategijom,
- c) organizaciju i provođenje sistema ligaškog takmičenja na nivou Kantona,

- d) saradnju sa nadležnim sportskim organizacijama i organima Bosne i Hercegovine, entiteta, Kantona, Brčko Distrikta Bosne i Hercegovine i drugih nivoa administrativnog organizovanja,
- e) zastupanje i predstavljanje sporta u Federaciji BiH,
- f) obavljanje administrativnih, stručnih i drugih poslova u oblasti sporta, u skladu sa Zakonom sportu.

Za obavljanje navedenih stručnih poslova Sportski savez Tuzlanskog kantona sufinansira se iz sredstava predviđenih za sport u Budžetu Tuzlanskog kantona. Članice Sportskog saveza Tuzlanskog kantona su dvadeset i sedam sportskih organizacija koje su registrovane kao kantonalni savez, sportski savez gradova/općina ili kao klubovi koji nemaju kantonalnih saveza.

Članice Saveza su kako slijedi:⁴

1. Odbojkaški savez TK
2. Savez sportskih ribolovnih društava TK
3. Karate savez TK
4. Šahovski savez TK
5. Nogometni savez TK
6. Regionalni košarkaški savez Tuzla
7. SS RI TK
8. Streljački invalidski klub Tuzla
9. Savez sjedeće odbojke TK
10. Sportski savez Tuzla
11. Sportski savez Doboj Istok
12. Sportski savez Gračanica
13. Sportski savez Lukavac
14. Sportski savez Gradačac
15. Sportski savez Srebrenik
16. Sportski savez Teočak
17. Sportski savez Kalesija
18. Sportski savez Kladanj
19. Sportski savez Živinice
20. Udruženje klubova općine Banovići
21. Sportski savez invalida Tuzla
22. AK Sloboda Tehnograd
23. PK Zmaj Alpam
24. KBV Flek Tom Cat
25. BK Zmaj od Bosne
26. Stono teniski klub Kreka
27. Sportsko udruženje PAINTBALL KLUB „AREA“ Tuzla

Vezano za rad Skupštine Sportskog saveza Tuzlanskog kantona u 2019. godini potrebno je istaknuti da su na početku godine počele pripreme za održavanje VIII sjednice Skupštine Sportskog saveza Tuzlanskog kantona, koja je trebala imati izvještajni karakter. Skupština je održana 26. decembra 2019. godine. Predsjedništvo Sportskog saveza Tuzlanskog kantona u 2019. godini održalo je četiri sjednice. Na sjednicama je doneseno nekoliko bitnih odluka za rad Sportskog saveza Tuzlanskog kantona kao što su: datum održavanja Izbora sportiste Tuzlanskog kantona za 2019. godinu, prihvaćen je Plan i Program održavanja završnih takmičenja u raznim sportskim disciplinama za učenike osnovnih i srednjih škola Tuzlanskog

⁴ Izvještaj o radu Sportskog saveza Tuzlanskog kantona za 2019. godinu, april 2020. godine

kantona u okviru Malih olimpijskih igara, usvojen je Plan aktivnosti Sportskog saveza za period januar – juni, kao i za period juli-decembar 2019. godine.

Glavna aktivnost Sportskog saveza Tuzlanskog kantona je bila sprovođenje odluka Predsjedništva i Skupštine, prema Poslovniku o radu Predsjedništva i odlukama Skupštine Sportskog saveza, kao i obaveza prema Ministarstvu za kulturu, sport i mlade Tuzlanskog kantona koje proizilazile iz Zakona o sportu. Sportski savez Tuzlanskog kantona je neposredno nakon Izbor za sportistu godine Tuzlanskog kantona za 2018. godinu pripremio prijedlog aktivnosti za 2019. godinu. Te aktivnosti su bile usmjerene, prije svega, na standardne aktivnosti ove organizacije. Tu se, prije svega, misli na planiranje i realizaciju završnice u više sportskih disciplina za učenike osnovnih i srednjih škola sa područja Kantona, kako na kantonalnom, tako i na federalnom nivou. Sportski savez je održao i Izbor za sportistu godine Tuzlanskog kantona za 2019. godinu, što je bilo podržano od strane Vlade Tuzlanskog kantona.

Jedna od najznačajnijih aktivnosti na godišnjem nivou koju sprovodi Sportski savez Tuzlanskog kantona su Male Olimpijske igre. Naime, Sportski savez Tuzlanskog kantona, kada je u pitanju školski sport i sportske manifestacije od značaja za Tuzlanski kanton, vodi aktivnosti organizovanja sportskih takmičenja osnovnih i srednjih škola i prema ocjenama pedagoga isti je obavljao sa velikim uspjehom. Male Olimpijske igre imaju za cilj kontinuirano bavljenje vanškolskim sportskim aktivnostima u toku pola kalendarske godine, za čim postoje realne potrebe.

Discipline u kojima su održana takmičenja su: košarka i odbojka za učenike osnovnih i srednjih škola za djevojčice i dječake, atletika (selekcija svih općina za osnovne i srednje škole), i mali nogomet (osnovne i srednje škole dječaci).

3.2 Aktivnosti Sportskog saveza osoba sa invaliditetom Tuzlanskog kantona u 2019. godini

Sportski savez osoba sa invaliditetom Tuzlanskog kantona je krovna organizacija u oblasti sporta lica sa invaliditetom koja okuplja invalidna lica bez obzira na porijeklo nastanka invaliditeta. Savez je osnovan radi zadovoljavanja potreba lica sa invaliditetom kroz rekreativne i sportske aktivnosti, a u svrhu unapređenja zdravstvenog i psihičkog stanja takvih lica. Ovaj savez broji 5 članica i to:

1. Savez ratnih vojnih invalida Tuzlanskog kantona
2. Savez za sport i rekreaciju invalida općine Banovići
3. Udruženje građana za sport i rekreaciju invalida općine Kladanj
4. Savez za sport i rekreaciju invalida općine Lukavac
5. Udruženje distrofičara Tuzlanskog kantona

Pored navedenih članica Sportski savez osoba sa invaliditetom Tuzlanskog kantona ima takmičare iz kategorije slijepih i slabovidnih lica u određenim granama sporta, tako da se ukupan broj takmičara koji okuplja Savez kreće oko 229.

Sportski savez osoba sa invaliditetom Tuzlanskog kantona organizuje slijedeća takmičenja na kantonalnom nivou: atletika, stoni tenis, mali fudbal, šah, pikado, sportski ribolov, boćanje, streljaštvo i kuglanje.

Sportski savez osoba sa invaliditetom Tuzlanskog kantona u 2019. godini zbog nedostatka finansijskih sredstava nije uspio u potpunosti da realizuje programske i druge aktivnosti i kalendar takmičenja zbog čega su izostala takmičenja kantonalna prvenstva u atletici, pikadu i malom fudbalu. Sportski savez osoba sa invaliditetom Tuzlanskog kantona u 2019. godini organizovao je sljedeća takmičenja:⁵

⁵ Izvještaj o radu Sportskog saveza osoba sa invaliditetom Tuzlanskog kantona za 2019. godinu, maj 2020. godine.

1. Kantonalno prvenstvo u kuglanju lica sa invaliditetom
2. Kantonalno prvenstvo lica sa invaliditetom u stonom tenisu
3. Kantonalno takmičenje u šahu
4. Kantonalno takmičenje u boćanju
5. Kantonalno takmičenje u sportskom ribolovu

Pored navedenih takmičenja Sportski savez invalida Tuzlanskog kantona bio je i organizator ili jedan od organizatora Državnog prvenstva u lovu ribe udicom na plovak kao i X Kup takmičenja u kuglanju.

Pored organizacije i sprovođenja kantonalnih, državnih i kup takmičenja kao i organizacije učešća na memorijalnim i međunarodnim turnirima, između ostalog, ciljevi rada Saveza su okupljanje što većeg broja lica sa invaliditetom radi uključivanja istih u invalidni sport putem općinskih saveza, klubova i sekcija i to u okviru svojih zadataka i nadležnosti.

3.3 Informacije gradskih/općinskih sportskih saveza na području Tuzlanskog kantona u 2019. godini

Na području Tuzlanskog kantona formirani su slijedeći sportski savezi na nivou grada/općina Tuzlanskog kantona i to:

1. Sportski savez grada Tuzla
2. Sportski savez općine Doboj Istok
3. Sportski savez općine Gračanica
4. Sportski savez općine Lukavac
5. Sportski savez općine Gradačac
6. Sportski savez općine Srebrenik
7. Sportski savez općine Teočak
8. Sportski savez općine Kalesija
9. Sportski savez općine Kladanj
10. Sportski savez općine Živinice
11. Savez udruženja građana sportskih klubova općine Banovići.

Prema informacijama Sportskog saveza Tuzlanskog kantona do momenta izrade ove informacije nisu aktivni sportski savezi općine Čelić i općine Sapna. Također, na nivou nekoliko općina formirani su i granski savezi.

U svrhu prezentiranja osnovnih informacija o stanju sporta na području lokalnih zajednica Tuzlanskog kantona u nastavku prezentiramo izvod iz dopisa i informacija dostavljenih od strane općinskih sportskih saveza Sportskom savezu Tuzlanskog kantona, a za potrebe izrade ove Informacije. Do momenta izrade Informacije, sportski savezi općina Lukavac, Živinice, Čelić, Kladanj i Teočak nisu dostavili zahtijevane podatke.

Sportski savez Grada Tuzla

Sportske aktivnosti na području Grada Tuzla u prošloj godini odvijale su se kroz plansku aktivnost Sportskog saveza i redovan kalendar takmičenja sportskih klubova koji se takmiče u svojim sportskim granama. Sportski ciljevi zasnovani na programskoj orijentaciji Sportskog saveza, prijedlozima i smjernicama vijećnika proisteklim iz rasprave o izvještaju Sportskog saveza za prethodnu godinu, u prošloj godini bili su:

- uključivanje što više mladih u sport,
- očuvanje postojećih sportskih klubova,
- pomoć sportskim klubovima u očuvanju njihove održivosti i postojanja,
- organizovanje takmičenja, revija i rekreacija,

- podržavanje svih memorijalnih turnira posvećenih sportistima i šehidima/poginulim borcima odbrambeno-oslobodilačkog rata.
- organizacija sportskih susreta posvećenih značajnim datumima i događajima za Grad,
- sprovođenje razvoja školskog sporta po osnovnim školama na području grada Tuzla u okviru Malih olimpijskih igara,
- organizacija izbora najboljih sportskih kolektiva i pojedinaca na području grada Tuzla
- preventivna zdravstvena zaštita sportista i članova sportskih ekipa.

Sve planirane aktivnosti su izvršene u njihovom utvrđenom roku.

Pomoć i podrška nosiocima sportskog razvoja

Uspostavljanje čvršće i konkretnije saradnje sa sportskim subjektima odnosi se na:

- vođenje potrebne aktivnosti u vezi stvaranja uslova za međusobno elektronsko umrežavanje sportskih organizacija, društava i drugih subjekata sporta, radi bržeg i efikasnijeg protoka informacija i podataka.
- pružanje stručne i druge vrste pomoći u radu sportskih organizacija,
- pružanje pomoći za edukaciju i osposobljavanje rukovodnog i trenerskog kadra u cjelini i po određenim oblastima i disciplinama,
- pružanje pomoći u organizovanju i provođenju takmičenja i manifestacija na gradskom nivou, stalne promocije sporta i animiranje djece i mladih da se aktivno uključuju u sportske organizacije i klubove i da se bave određenim sportom,
- povremeno prisustvovanje, praćenje i pomaganje u radu upravnih organa sportskih organizacija i drugih subjekata sporta na području grada Tuzla.

Organizacija planskih sportskih aktivnosti

Programima su obuhvaćene aktivnosti koje se odnose na podršku, prije svega, školskog sporta, dječijeg i omladinskog sporta, sportske obuke, manifestacija koje su od posebnog interesa za Grad Tuzlu i Tuzlanski kanton.

U okviru ovih aktivnosti Savez je sproveo slijedeće projekte i programe:

- gradska prvenstva za osnovne i srednje škole za učenike i učenice u košarci, malom nogometu, rukometu, odbojci i atletici „Male olimpijske igre“;
- program obuke neplivača „Plivajmo svi“;
- Izbor sportiste godine za 2018. godinu.

Gradska školska prvenstva „Male olimpijske igre“

Male olimpijske igre se redovno održavaju od 2009. godine a sufinansiraju se iz sredstava Grada Tuzla i budžeta Tuzlanskog kantona. Na godišnjem nivou realizuje se četrnaest posebnih programa a odnosi se na:

- Gradska školska prvenstva u odbojci za dječake, djevojčice, omladince i omladinke,
- Gradska školska prvenstva u košarci za dječake, djevojčice, omladince i omladinke,
- Gradska školska prvenstva u rukometu za dječake i djevojčice,
- Gradska školska prvenstva u malom nogometu za dječake i omladince,
- Gradska školska prvenstva u atletici za djevojčice, dječake, omladinke i omladince.

Program obuke neplivača „Plivajmo svi“

Program je namijenjen učenicima i učenicama osnovnih škola i usmjeren je na ovladavanje plivanja i motoričkih sposobnosti koje su neophodne u svakodnevnom životu. Program je dostupan svim osnovnim školama s područja grada Tuzla, besplatan je za sve učesnike i

omogućava školama da uključe jednu ili više grupa djece u program. Treninzi obuke neplivača realizovani su kroz jedan ciklus na 25-metarskom bazenu u sklopu Hotela Tuzla, koji obezbjeđuje neophodne uslove.

Izbor sportiste godine Grada Tuzla

Manifestacija „Izbor sportiste godine Grada Tuzla“ tradicionalno se održava još od daleke 1959. godine a generalni pokrovitelj je Grad Tuzla. Tom prilikom se rezimiraju najbolja sportska dostignuća, koja su sportisti grada koji već decenijama nosi prefiks „sportskog“ ostvarili u pojedinačnoj ili ekipnoj konkurenciji.

Sportski rezultati pojedinaca i klubova

Seniori/ki (preko 18 godina):

Olimpijski sportovi

1. Rusmir Malkočević - AK „Sloboda Tehnograd“ Tuzla-SPORTISTA GODINE

- 1. mjesto 400m prepone na Evropskom timskom prvenstvu, Skoplje
- 3. mjesto 400m prepone na Balkanskom prvenstvu za seniore, Bugarska
- 1. mjesto 400m prepone na Prvenstvu BiH za seniore, Zenica

2. Stefani Krešić - Karate klub "DO"

- 1. mjesto na Svjetskom Kupu (WKF Youth League), Umag (81 država)
- 5. mjesto Evropsko prvenstvo za U-21, Danska (55 država)
- 1. mjesto Balkansko prvenstvo za U-21, Slovenija (7 država)

3. Hajrudin Vejzović - AK „Sloboda Tehnograd“ Tuzla

- 2. mjesto 100m na Evropskom timskom prvenstvu, Skoplje
- 3. mjesto 100m na Balkanskom prvenstvu za seniore, Bugarska
- 1. mjesto 100m na Prvenstvu BiH za seniore, Zenica

4. Belma Omerović – KBS “Tuzla“

- 3. mjesto Balkanski šampionat za seniore, borbe seniorke ekipno, Čačak.
- 3. mjesto borbe seniorke -68 kg, Državno prvenstvo za seniore, Brežice
- 3. mjesto borbe seniorke -68 kg, Federalno prvenstvo za seniore, Sarajevo.

Kategorije iz prepoznatih olimpijskih i ostalih sportova

1. Jasmin Nokto - Ving Tchong Kung Fu Klub „Panther“

- 1. mjesto disciplina Sanda pojedinačno i ekipno Svjetske igre - World Martial Arts Games 2019., Split

- 1. mjesto disciplina Sanda na otvorenom Balkanskom WUSHU prvenstvu, Ankara

- 1. mjesto disciplina Sanda pojedinačno i ekipno na 15-om Državnom WUSHU Prvenstvu, Tuzla

2. Rijad Grapčanović - MK JIU JITSU ICON

- 1. mjesto u svojoj kategoriji na UAEJF Slovenia nacional Pro 2019.
- 1. mjesto u kategoriji ADULTA na UAEJF Austrija nacional Pro 2019., Grac
- 1. mjesto na VIENA Intenational BJJ OPEN 2019.

Konkurencija sportske ekipe

1. OKK „Sloboda“ Tuzla

- 3. mjesto Prvenstvu BiH u ligi za prvaka u 2018/2019.
- 4. mjesto u Prvenstvu Lige 12 i izborili plasman u Ligu 6.;
- 4. mjesto u Prvenstvu Lige 6 te izborili plasman u polufinale;

2. BK „Zmaj od Bosne“ Tuzla

- 1. mjesto ekipno na drumskom prvenstvu, Banja Luka
- 1. mjesto ekipno u zbiru mlađih i starih kadeta, juniora i seniora za Premier Ligu BiH
- 1. mjesto u kategoriji masteri A,B,C sa ukupno osvojenih 970 bodova

3. KBS „Tuzla“ Tuzla

- 2. mjesto borbe seniorke ekipno, Federalno prvenstvo za seniore, Sarajevo.
- 3.mjesto Balkanski šampionat za seniore, borbe seniorke ekipno Belma Omerović, Čačak.
- 3.mjesto borbe juniorke -48 kg Emina Abdulić, Balkanski šampionat za kadete, juniore i U21, Brežice

Najuspješniji juniori i kadeti

1. Omar Husejnagić - MK JIU JITSU ICON

- 1. mjesto Evropsko JIU JITSU prvenstvo 2019. u kategoriji juniora -69kg, Lisabon
- 1. mjesto u kategoriji juniora – 75 kg na ADCC Croatia Internacional Coast Open 2019.
- 1. mjesto u kategoriji juniora – 76 kg na FUTURE CAHPIONS 5, Beograd

2. Daina Anić - Ving Tchung Kung Fu Klub „Panther“

- 1. mjesto u disciplini Wushu Taolu forme individualno i ekino na Svjetskom kupu borilačkih sportova 2019, Split
- 1. mjesto u disciplini Wushu Taolu forme individualno i ekino na Evropskom wushu kupu, Novi Bečej
- 1. mjesto u disciplini Sanda light individualno i ekino na 15-om Državnom WUSHU Prvenstvu, Srebrenica

Kategorije iz oficijelnih paraolimpijskih sportova

Tursun Vernes - Streljački invalidski klub „Tuzla“

- 6. mjesto Međunarodni GRAN PRI , Novi Sad (25 država)
- Državni prvak BiH pojedinačno, Zenica
- 1.mjesto u Premier Federalnoj ligi u kategoriji SH-1

Kategorije iz ostalih paraolimpijskih sportova

Najuspješniji sportista

Boris Kasumović- Karate Klub "Student" Tuzla

- 1.mjesto Državno prvenstvo za seniore, kate para karatisti, Sarajevo
- 1.mjesto Ilidža Open 2019., kate osobe sa smetnjama, Sarajevo
- 1.mjesto federalno prvenstvo za seniore,kate para karatisti, Vogošća

Struktura takmičenja sportskih klubova sa područja grada za seniore:

Premijer liga BiH:

1.	Omladinski K.K.“SLOBODA”
2.	Košarkaški klub. “JEDINSTVO BH Telecom”
3.	Ženski odbojkaški klub “SLOBODA”
4.	Fudbalski klub “SLOBODA”
5.	OŽRK “JEDINSTVO”
6.	R.K. “SLOBODA”
7.	Fudbalski klub “TUZLA SITY”
8.	F.C. „Salines Tuzla“
9.	Kuglaški klub „Sloboda“Tuzla

Prva liga FBiH

1.	Ženski nogometni klub “SLOBODA”
2.	MNK BOSNA KOMPRED
3.	Odbojkaški klub “SLOBODA”

Sportski savez Doboj istok

Sportske aktivnosti na području općine Doboj Istok u prošloj godini odvijale su se kroz plansku aktivnost Sportskog saveza i redovan kalendar takmičenja sportskih klubova koji se takmiče u svojim sportskim granama.

Sportski ciljevi zasnovani na programskoj orijentaciji Sportskog saveza, prijedlozima i smjernicama vijećnika proisteklim iz rasprave o izvještaju Sportskog saveza za prethodnu godinu, u prošloj godini bili su:

- uključivanje što više mladih u sport,
- očuvanje postojećih sportskih klubova,
- pomoć sportskim klubovima u očuvanju njihove održivosti i postojanja,
- organizovanje takmičenja, revija i rekreacija,
- podržavanje svih memorijalnih turnira posvećenih sportistima i šehidima/poginulim borcima odbrambeno-oslobodilačkog rata.
- organizacija sportskih susreta posvećenih značajnim datumima i događajima za općinu Doboj Istok,
- sprovođenje razvoja školskog sporta po osnovnim školama na području općine Doboj Istok u okviru školskih sekcija,
- organizacija izbora najboljih sportskih kolektiva i pojedinaca na području općine Doboj Istok,
- preventivna zdravstvena zaštita sportista i članova sportskih ekipa.

Sve planirane aktivnosti su izvršene u njihovom utvrđenom roku.

Uključivanje mladih u sport i očuvanje postojećih sportskih klubova

Sportski savez općine Doboj Istok okuplja deset sportskih kolektiva iz osam vrsta sportova i to: nogomet, mali nogomet, stoni tenis, atletika, karate, kajak kanu, rukomet i šah.

Ovi klubovi okupljaju oko 400 djece i mladih kroz svoje omladinske pogone i uključeni su trenažne i takmičarske procese.

Pomoć i podrška nosiocima sportskog razvoja

Općina Doboj Istok u svom budžetu za 2019. godinu izdvojila je 60.000,00 KM za rad Sportskog saveza općine Doboj Istok. Sportski savez je ova sredstva prema ranije donesenoj odluci prosljedio klubovima za njihove redovne aktivnosti.

Pored redovnih sredstava općinski načelnik je pomogao i aktivnosti kao što su: odlazak reprezentativaca sa područja općine na međunarodna takmičenja, pripreme klubova, manifestaciju izbora sportiste godine, organizaciju turnira i takmičenja kojima je domaćin bila općina Doboj Istok. U tu svrhu izdvojeno je dodatnih oko 10.000,00 KM.

Podršku klubovima dali su i brojni privredni subjekti, javne ustanove, te mjesne zajednice.

Organizacija planskih sportskih aktivnosti

Sportski Savez općine Doboj Istok je donio odluku o učešću članica saveza u obilježavanju značajnih datuma za općinu Doboj Istok i državu BiH. U 2019 godini su organizovana razna takmičenja i turniri povodom dana općine 10. marta i Dana državnosti i nezavisnosti BiH. U tu svrhu napravljen je i kalendar sportskih aktivnosti klubova.

Infrastruktura

Što se tiče sportske infrastrukture, stanje i u 2019 godini je nepromjenjeno:

- Sportska dvorana Brijesnica Velika
- Školska sportska dvorana OŠ Klokočnica

- Stadion „Luke“ Klokočnica
- Stadion „Čabrina“ Brijesnica Velika
- Sportski poligon Brijesnica Mala
- Sportski poligon Klokočnica
- Sportski poligon Stanić Rijeka
- Sportski poligon Lukavica rijeka

Veliki problem klubovima, koji svoje trenažne procese održavaju u sportskim dvoranama OŠ Klokočnica i u sportskoj dvorani u Brijesnici Velikoj predstavlja nedostatak grijanja. Treninzi i takmičenja u zimskim mjesecima se ne odvijaju ili se odvijaju u ograničenom obimu, a sve zbog neriješenog grijanja.

Pored navedenih javnih sportskih objekata u općini postoje još i tri privatne teretane i jedna privatna sportska dvorana za mali fudbal.

Sportski rezultati pojedinaca i klubova

Atletičari sa područja općine Doboj Istok su, kao i prethodne sezone, ostvarili odlične rezultate. Osman Junuzović je standardni seniorski reprezentativac BiH, Belmin Mrkanović nastupao je za juniorsku reprezentaciju BiH. Pored reprezentativaca iz atletskog kluba Doboj Istok i KK Doboj Istok imao je seniorskog reprezentativca BiH Suljić Sulejmana. Uspješnu sezonu imali su i stonoteniseri STK SPIN Doboj Istok koji su članovi Prve lige FBiH, a sezonu su završili na trećem mjestu. Ženska ekipa mladih kadetkinja STK SPIN postala je viceprvak države osvajanjem drugog mjesta na državnom prvenstvu. Ekipa Fustal kluba LILIUM u Prvoj ligi FBiH zauzela je peto mjesto, a u kupu su se plasirali među osam najboljih. Nogometaši NK Doboj Istok, članovi Prve lige TK, sezonu su okončali na sedmom mjestu. Šahisti OŠK Doboj Istok imali su zapažene rezultate na turnirima i prvenstvima TK.

S obzirom na rezultate koje postižu atletičari, karatisti i stonoteniseri, rezultati klubova se mogu okarakterisati kao vrhunski. Standardni članovi reprezentacije BiH su atletičari Junuzović Osman i Mrkanović Belmin, te karatista Suljić Sulejman.

Struktura takmičenja sportskih klubova sa područja općine za seniore

Sportski savez općine Doboj Istok u seniorskom sistemu takmičenja ima jednog prvoligaša BiH, jednog federalnog prvoligaša i dva kantonalna prvoligaša.

Zaključna posmatranja sportskog napredovanja:

Na osnovu prikupljenih podataka dobijenih od svih sportskih kolektiva može se generalno zaključiti da na području općine Doboj Istok postoji kritična masa za strateški razvoj sporta dok se s druge strane može izvesti zaključak da još uvijek ne postoje adekvatni uslovi za brže napredovanje u razvoju sporta.

Napredovanje postoji u svim segmentima, ali je uistinu nedovoljno za brži i kvalitetniji razvoj sporta u Općini koje bi moglo povećati broj članova ukoliko bi se stvorili uslovi za iste.

Osnovni problemi sa kojima se Savez susreće su:

- u dvije sportske dvorane nisu obezbjeđeni uslovi za trenažni proces zimi (ni jedna sportska dvorana nije riješila problem grijanja,
- opremljenost sportskih dvorana i klubova je na veoma niskom nivou,
- nedostatak opreme za trenažni proces,
- nedovoljna finansijska sredstva za reprezentativce iz ruralnih sredina,
- zakonska rješenja finansiranja sporta u cjelini ne doprinose bržem razvoju sporta

Sportski savez Gračanica

Sportske aktivnosti na području grada Gračanica u prošloj godini odvijale su se kroz plansku aktivnost Sportskog saveza i redovan kalendar takmičenja sportskih klubova koji se takmiče u svojim sportskim granama.

Sportski ciljevi zasnovani na programskoj orijentaciji Sportskog saveza, prijedlozima i smjernicama vijećnika proisteklim iz rasprave o izvještaju Sportskog saveza za prethodnu godinu, u prošloj godini bili su:

- uključivanje što više mladih u sport,
- očuvanje postojećih sportskih klubova,
- pomoć sportskim klubovima u očuvanju njihove održivosti i postojanja,
- organizovanje takmičenja, revija i rekreacija,
- podržavanje svih memorijalnih turnira posvećenih sportistima i šehidima/poginulim borcima odbrambeno-oslobodilačkog rata.
- organizacija sportskih susreta posvećenih značajnim datumima i događajima za grad Gračanica,
- sprovođenje razvoja školskog sporta po osnovnim školama na području grada Gračanica u okviru Malih olimpijskih igara,
- organizacija izbora najboljih sportskih kolektiva i pojedinaca na području grada Gračanica,
- preventivna zdravstvena zaštita sportista i članova sportskih ekipa.

Sve planirane aktivnosti su izvršene u njihovom utvrđenom roku.

Organizacija planskih sportskih aktivnosti

Sportski savez grada Gračanica realizovao je u 2019.godini sljedeće aktivnosti:

Januar:

- klizalište 2018/2019
- Prijedlog kandidata za najbolje sportske kolektive i sportiste TK

Februar:

- priprema za izvještajnu Skupštinu Sportskog saveza Grada Gračanica

Mart:

- Šetnja „U susret proljeću“
- održavanje izvještajne Skupštine Sportskog saveza Grada Gračanica
- gradsko prvenstvo osnovnih škola – odbojka djevojčice (suorganizatori)
- gradsko prvenstvo srednjih škola – odbojka djevojčice (suorganizatori)

April: -

- gradsko prvenstvo osnovnih škola – atletika (suorganizatori)
- gradsko prvenstvo srednjih škola – mali fudbal (suorganizatori)

Maj:

- gradsko prvenstvo osnovnih škola – mali fudbal (suorganizatori)
- gradsko prvenstvo srednjih škola – atletika (suorganizatori)
- povodom dana Grada Gračanica „Memorijalni marš Zečev gaj“
- povodom dana Grada Gračanica „Ulična trka učenika osnovnih i srednjih škola“

Juni:

- otvoreno prvenstvo Grada Gračanica u stonom tenisu
- prvenstvo Grada Gračanica u odbojci na pijesku
- Šetnja „podari sebi zdravlje upoznaj ljepote naših krajeva“

Avgust:

- Obuka učenika/ca neplivača osnovnih škola

Septembar:

- 3x3 basketball Gračanica

Oktobar:

- Šetnja povodom 17. oktobra Svjetskog dana pješaćenja „Šetaj za sebe- šetaj za svoje zdravlje“

Novembar:

- Inicijativa za održavanje sportskih susreta MZ Grada Gračanica
- Šetnja u povodu 25. novembra „Moja domovina – moj ponos“

Decembar:

- Realizacija projekta djece sa posebnim potrebama „svako dijete je za neki sport“
- Klizalište 2019/2020
- Izbor najboljih sportskih kolektiva i sportista Grada Gračanica

Sportski savez općine Kalesija

Sportske aktivnosti na području općine Kalesija u prošloj godini odvijale su se kroz plansku aktivnost Sportskog saveza i redovan kalendar takmičenja sportskih klubova koji se takmiče u svojim sportskim granama. Glavno obilježje sporta u Kalesiji u minuloj godini bilo je u postignutim rezultatima koje su klubovi ostvarili u takmičenju, prije svih KBS "Golden Team" Kalesija, Karate klub "Bosna-Kalesija" i FK „Krušik“ Vukovije Gornje. Nastavljena je izgradnja sportske infrastrukture u Memićim, Raincima Gornjim i Raincima Donjim, te je nastavljeno unutrašnje uređenje gradske sportske sale.

Sportski ciljevi zasnovani na programskoj orijentaciji Sportskog saveza, prijedlozima i smjernicama vijećnika proisteklim iz rasprave o izvještaju Sportskog saveza za prethodnu godinu u prošloj godini bili su:

- uključivanje što više mladih u sport,
- očuvanje postojećih sportskih klubova,
- pomoć sportskim klubovima u očuvanju njihove održivosti i postojanja,
- organizovanje takmičenja, revija i rekreacija,
- podržavanje svih memorijalnih turnira posvećenih sportistima i šehidima odbrambeno-oslobodilačkog rata.
- organizacija sportskih susreta posvećenih značajnim datumima i događajima za općinu Kalesija,
- sprovođenje razvoja školskog sporta u osnovnim školama na području općine Kalesija u okviru Malih olimpijskih igara,
- organizacija izbora najboljih sportskih kolektiva i pojedinaca na području općine Kalesija,
- preventivna zdravstvena zaštita sportista i članova sportskih ekipa.

Sve planirane aktivnosti su izvršene u njihovom utvrđenom roku.

Uključivanje mladih u sport i očuvanje postojećih sportskih klubova

Težnja za uticajem na mlade da se bave sportom od ranog djetinjstva programska je i suštinska odgovornost Sportskog saveza općine Kalesija. U cilju sportske masovnosti radi uticaja na zdravlje mladih, u prošloj godini aktivnosti u Sportskom savezu općine Kalesija su bile na težnji reanimacije klubova u zastoju i podrška formiranja eventualno nekim novim klubovima koji će okupljati mlade radi bavljenja sportom. U prošloj godini nije bilo formiranja novih klubova, ali bitno je naglasiti da su klubovi koji su se formirali i aktivirali prethodne godine u svrhu okupljanja mladih i djece dobro snašli u svojim takmičenjima i postojanjima. Međutim, Šahovski klub "Bosna" Kalesija, koji datira od 1973. godine nije realizovao svoje aktivnosti zbog nedostatka entuzijazma kod ljudi iz rukovodstva kluba kao ni kod mlade generacije koja nije bila spremna preuzeti odgovornost kako bi klub nastavio djelovanje, tako da je drevna igra u Kalesiji trenutno u zastoju.

Pomoć i podrška nosiocima sportskog razvoja

Sportski savez općine Kalesija u prošloj godini između ostalog, imao je zadatak realizacije transfera finansijskih sredstava od budžeta do svih korisnika tih sredstava po usvojenom planu finansiranja sporta i sufinansiranja sportskih klubova sa područja općine Kalesija i ta

aktivnost je tekla cijele godine. Sredstva su dodijeljivana u skladu sa usvojenim kriterijima o raspodjeli sredstava za 2019. godinu i ista su trošena po prioritetu potreba korisnika.

Osnovni ljekarski pregled obavilo je oko 870 sportista iz 20 klubova u dvije polusezone. Svi sportisti su iz klubova sa područja općine Kalesija.

Ostvarena je pomoć u organizaciji svih memorijalnih turnira u prošloj godini, a njih je bilo 3 u malom nogometu, 4 u velikom nogometu, 1 u košarci, 1 u odbojci, 1 u sportskom ribolovu i 1 u šahu.

Podržana je organizacija i drugih takmičenja na području općine Kalesija.

Organizacija planskih sportskih aktivnosti

Male olimpijske igre, koje se redovno svake godine organizuju pod pokroviteljstvom općine Kalesija u periodu mart-maj, održane su i prošle godine. Na istim su učesce uzele sve osnovne škole sa područja općine Kalesija. U ovom takmičenju, također, redovno se bilježe uspješni rezultati kako kolektivni tako i pojedinačni i u muškoj i u ženskoj konkurenciji. Prošle godine u manifestaciji Malih olimpijskih igara osnovnih škola u odbojci, košarci, stonom tenisu, atletici za muškarce i djevojčice i malom nogometu uzelo je učesce preko šest stotina djevojčica i dječaka. Prošle godine najbolja škola u sportskim aktivnostima sa područja općine Kalesija bila je OŠ Memići.

U prošloj godini je vrijedno pomenuti i manifestaciju smotre malih nogometaša u organizaciji FK Bosna Kalesija na Gradskom stadionu u Kalesiji. Na smotri u takmičenju i druženju djece, u trajanju dva dana, učestvovalo je oko 800 djece uzrasta od devet do dvanaest godina.

Otvorena zabavna škola fudbala, ove godine je održana u Miljanovcima na igralištu Bijeljevca, također, manifestacija koja okuplja veliki broj djece. Vrijedno je istaći da se ova manifestacija održava u onim prilikama kad se može podržati materijalnom i finansijskom podrškom. Ove godine je manifestaciju podržala opština Kalesija, a ista je je donijela i određena materijalno-sportska sredstva koja će djeca dalje koristiti u svojoj sportskoj-nogometnoj obuci i sportskom odgoju.

Kao i svake godine održan je i izbor najboljih sportista i sportskih kolektiva sa područja Općine Kalesija. U ovoj sportskoj manifestaciji za najbolje je konkurisalo preko 600 sportista, pojedinca i 7 sportskih klubova. Ocjenjivački žiri je odabrao 15 pojedinaca, 4 sportska kolektiva i 1 javnu ustanovu, OŠ Memići kojima su dodijeljena priznanja za njihov doprinos u ostvarenju sportskih rezultata, dok je Upravni odbor Sportskog saveza dodijelio još 1 posebno priznanje za doprinos sportu u 2019. godini.

U povodu Dana općine održane su sve planirane sportske aktivnosti. Ulična trka učenika i učenica osnovnih i srednjih škola sa područja općine Kalesija, tradicionalni šahovski turnir učenika osnovnih škola, tradicionalna odbojkaška utakmica i finalna utakmica memorijalnog takmičenja u nogometu posvećena Šehidima općine Kalesija.

Međutim, ističe se da je broj djece u sportu u opadanju i mora se činiti više napora po svim pitanjima da što više djece zavole sport i svoja sportska angažovanja. Roditelji bi trebali u tome imati glavnu ulogu, jer to je investicija koja im se najbolje vraća. Također, školske ustanove kao segment društva bi morali učiniti više kroz stručno odgojni rad i usmjeravati djecu kako u druge nauke tako i u sport, jer uistinu i sport je nauka o kojoj moramo znati da najbolje preventivno djeluje na zdravlje djece. Općina Kalesija je u za ovaj segment opredijeljena i prepoznaje potrebu za tim, jer svake godine na određen način povećava sredstva za sportski odgoj i podržava sportske aktivnosti kako redovne, za klupska takmičenja, tako i one koji se organizuju putem manifestacija, smotri, rekreacija, memorijala i drugih oblika organizovanja koje realizuju njihovi nosioci. Po podacima koji se vode za djecu u kalesijskom sportu do uzrasta osamnaeste godine života trenutno se aktivno sportom bavi oko 500 djece i 300 mladih koji su uključeni kroz klubove u sistem takmičenja svojih saveza u kojima se takmiče sa više ili manje uspijeha.

Infrastruktura

Općinsko vijeće, već krajem prošle godine, rebalansom budžeta usmjerilo je nedostajuća sredstva za instaliranje sistema zagrijavanja dvorane za koju je također, u prošloj godini iz budžeta uloženo novih 300.000,00 KM za ugradnju potrebnog dvoranskog enterijera sa rekvizitima koji omogućavaju skori početak upotrebe dvorane za trenažni i takmičarski proces. Očekivanja su da Gradska sportska dvorana, u prvoj polovini 2020. godine bude u funkciji.

Na području općine Kalesija nepromijenjen je broj velikonogometnih terena koji imaju svoju infrastrukturu, a na određenim stadionima u 2019. godini odvijale su se aktivnosti na uređenju nogometnih igrališta u Memićima, Raincima Donjim i Vukovijama Donjim. Na svim ovim stadionima su u prošloj godini započeti radovi na uređenju terena i svlačioničkog prostora u kojima su u najvećoj mjeri korištena budžetska sredstva Općine Kalesija i Federacije BiH sa cca 80.000,00 KM.

Sportski rezultati pojedinaca i klubova:

U toku prošle godine najbolji sportisti i sportski kolektivi općine Kalesija dali su najveći doprinos sportskoj afirmaciji općine Kalesija kroz svoja takmičenja i uspjehe koje su ostvarivali kroz postignute rezultate.

Pojedinačni:

1. Huso Turić iz Prnjavora, junior Kluba borilački sportova "Golden Team" Kalesija, najbolji sportista Općine Kalesija u svim kategorijama i konkurencijama,
2. Safet Mujkić iz Prnjavora, senior Fudbalskog kluba "Bosna" Kalesije, najbolji sportista Općine Kalesija u seniorskoj konkurenciji,
3. Elma Mehmedović iz Simin Hana, seniorka Kluba borilački sportova "Golden Team" Kalesija, najbolja sportistkinja Općine Kalesija u seniorskoj konkurenciji,
4. Almina Halilović iz Vukovija Donjih, juniorka Karate kluba "Bosna-Kalesija" Kalesija, najbolja sportistkinja Općine Kalesija u juniorskoj konkurenciji,
5. Amar Jahić iz Sarača, kadet Karate kluba "Bosna-Kalesija" Kalesija, najbolji sportista Općine Kalesija u kadetskoj konkurenciji,
6. Admir Halilović iz Križevića, pionir Kluba borilačkih sportova "Golden-Team" Kalesija, najbolji sportista Općine Kalesija u pionirskoj konkurenciji,
7. Melisa Mehanović iz Tojšića, pionirka Kluba borilačkih sportova "Golden-Team" Kalesija, najbolji sportista Općine Kalesija u pionirskoj konkurenciji,
8. Hamza Osmanović iz Sapne, predpionir Karate kluba "Bosna-Kalesija" Kalesija, najbolji sportista Općine Kalesija u predpionirskoj konkurenciji,
9. Amina Čikarić, iz Rainaca Gornjih, predpionirka Kluba borilačkih sportova "Golden Team" Kalesija, najbolja sportistkinja Općine Kalesija u predpionirskoj konkurenciji,
10. Senad Osmanović iz Tojšića, trener Kluba borilačkih sportova "Golden_team" Kalesija, najbolji trener Općine Kalesija,
11. Besim Mešić iz Rainaca Gornjih, sportski radnik Nogometnog kluba "Rainci" Rainci Gornji, najuspješniji sportski radnik Općine Kalesija .

Sport lica sa invaliditetom:

1. Armin Muratbegović iz Rainaca Gornjih, odbojkaš sjedeće odbojke u Odbojkaškom invalidskom klubu "Kalesija", proglašen najboljim igračem u konkurenciji invalidskog sporta na području Općine Kalesija

Kolektivni:

1. FK "Krušik" Vukovije Gornje, seniorska ekipa, Prvak Treće kantonalne lige,
2. FK "Sloga" Tojšići, juniorska ekipa, pobjednik Kup takmičenja BiH za područje Općine Kalesijai,

3. FK "Bosna", Kalesija, predpionirska ekipa, najbolji na području Općine Kalesija.
4. Karate klub "Bosna-Kalesija", prvi na Tuzlanskom kantontonu u generalnom plasmanu,
5. OŠ Memići, najbolja u sveukupnom takmičenju Malih olimpijskih igara na području Općine Kalesija,

Rezultatski statusi klubova

Kod većine klubova takmičarski status je ostao nepromijenjen, međutim, kod jednog kluba zabilježen je uspon takmičarskog statusa u ligi u kojoj su nastupali 2018/2019. takmičarske godine, tako je FK „Krušik“ Vukovije Gornje prešao u viši rang takmičenja – Drugu kantonalnu ligu, dok je OK „Bosna“ Kalesija prešao u niži rang takmičenja-Prvu federalnu ligu.

Struktura takmičenja sportskih klubova sa područja općine za seniore

Trenutno na području općine ima 20 klubova, jedno sportsko društvo i dvije sportske asocijacije (Sportski savez i Nogometni savez općine Kalesija). Klubovi su opredjeljeni za kolektivno i individualno takmičenje. U kolektivnom takmičenju sa redovnim ligaškim takmičenjima u takmičarskoj sezoni podijeljenoj na dvije polusezone takmiče se klubovi iz nogometa, košarke, odbojke i sjedeće odbojke, dok se u individualnom takmičenju turnirskog karaktera takmiče klubovi i društva koji upražnjavaju sportske grane: karate, kick box, šah i sportski ribolov.

Zaključna posmatranja sportskog napredovanja:

Što se tiče sportskih rezultata ostvarenih u prošloj godini, oni objektivno ne mogu biti bolji, jer je u svakoj sportskoj sredini učinjen napor iznad stvarnih mogućnosti da sve funkcioniše kako bi se opstajalo. Ulaganja u sport su dvostruko vrijedna. Pozitivno utiču na psihofizičko stanje mladih i afirmišu svakog pojedinca koji ulaže sebe u sport, ali isto tako i lokalnu zajednicu.

Sportski savez u svojoj programskoj orijentaciji, uvijek, ima za cilj poboljšanja sportskog razvoja i rezultata pa tu svoju obavezu planira nastaviti i u toku 2020. godine. Činiti će se naponi na pronalasku kvalitetnih prijedloga za realizaciju zadataka koji bi mogli proizvesti isto tako kvalitetne prijedloge za unaprjeđenje sporta na području Općine u cjelini.

Sportski savez općine Srebrenik

Sportski savez općine Srebrenik je osnovan 1999.godine. Sportski klubovi i organizacije sa područja općine Srebrenik su se udružili u Sportski savez radi ostvarivanja zajedničkih interesa u oblasti sporta. Sportski savez općine Srebrenik raspolaže vlastitom kancelarijom na Gradskom stadionu.

Sportski savez općine Srebrenik broji 26 članica iz 10 grana sporta sa preko 1.100 registriranih sportaša. Kada se toj brojci dodaju učenici sportisti srebreničkih osnovnih i srednjih škola kojih preko 1.200 prođe kroz školska takmičenja, te uz rekreativni sport i manifestacije koje organizuje savez, na cjelokupnom općinskom području, slobodno se može reći da oko 3.400 građana općine Srebrenik na organizovan način bavi sportom. U 2019. godini održane su dbije sjednice Skupštine Sportskog saveza općine Srebrenik.

U Sportskom savezu općine Srebrenik je jedan uposlenik na poslovima tehničkog sekretara. Programski zadaci saveza su stvaranje što boljih uslova i ambijenta za bavljenje sportom svih populacija građana općine Srebrenik, naročito djece i omladine.

Općina Srebrenik ostvaruje dio javnog interesa u oblasti sporta i preko Sportskog saveza, podržavajući masovni školski sport, rekreacioni sport, amaterski sport i vrhunski sport. Javni interes u oblasti sporta na području općine Srebrenik obuhvata:

- a) tjelesne aktivnosti i sportske igre koje se organizuju u cilju unaprjeđenja zdravlja djece i omladine,
- b) sportski odgoj i obrazovanje,
- c) sport za lica sa invaliditetom

- d) sportske klubove općinskog i kantonalnog ranga takmičenja,
- e) sportski klubovi kvalitetnog sporta,
- f) sportsku rekreaciju.

Grad Srebrenik je i u 2019. godini bio uspješan domaćin 6. Sportskih igara mladih. Ukupan broj učesnika na igrama je bio 129, a učesnice dolaze sa područja četiri općine Tuzlanskog kantona.

Obezbjeđenje sredstava za ostvarivanje sportskog programa

Sredstva za ostvarivanje javnog interesa u oblasti sporta na području općine Srebrenik obezbjeđuju se aktivnostima klubova, putem donacija i sponzorstava od strane firmi i preduzeća, te obezbjeđivanjem sredstava kroz općinski budžet.

Da bi sport na području Grada Srebrenik bio bolji, da bi imao bolje uslove i infrastrukturu, realne potrebe po sadašnjim kriterijima i razvijenosti sporta na području Grada Srebrenik su sa svim stavkama vezanim za sport cca 450.000,00 KM, umjesto dosadašnjih 260.000,00 KM. Sredstva od budžeta općine su nedostatna za vrhunski sport. Bez ozbiljnije podrške i interesovanja privrednih subjekata i privatnog sektora, vrhunski sport ne postoji.

Infrastruktura

Općinski sportski program u pogledu planiranja, izgradnje, održavanja i kontrole namjenskog korištenja javnih objekata za sport i sportsku rekreaciju nije urađen. Predlagač treba da bude Sportski savez općine Srebrenik, a isti treba da odobri Općinski načelnik i Općinsko vijeće.

Na osnovu tog programa treba izvršiti planiranje, izgradnju, održavanje i kontrole javnih sportskih objekata na području cijele općine. Izvještaj o radu saveza za 2009. godinu je sadržavao podatke o sportskim objektima na području cijele općine, tj. njihovom trenutnom stanju sa prijedlozima neophodnih mjera za uređenje istih u narednom periodu. Ovi podaci su dobra polazna osnova da se u narednom periodu planiraju sve neophodne radnje da bi izgradnja sportskih objekata bila ravnomjerna na čitavoj teritoriji općine Srebrenik, to jest da posluži u izradi Programa i Strategije razvoja sporta.

Potrebna su znatnija ulaganja u sportsku infrastrukturu na cjelokupnom području Grada Srebrenik, kako u izgradnju novih sportskih objekata tako i adaptaciju postojećih. Školske sale su uglavnom male i neuslovne, stanje zgrada i svlačionica je loše, sa malom kvadraturom i slično.

Sportski rezultati pojedinaca i klubova

Seniori/juniori

Kategorija nogometa

- najbolji junior- Fazlić Belmin -OFK Gradina,
- najbolji senior-Musić Muhamed-FK Seona.

Kategorija dvoranski sport

- najbolji junior-Abdulahović Vedad- OK Gradina Herceg,
- najbolji senior-Hercegovac Bakir-OK Gradina Herceg,
- najbolja seniorka Zilić Nejra-OK Gradina Herceg.

Kategorija borilački sportovi

- najbolji junior senior-Duranović Mahir-KK 1.mart, SPORTISTA GODINE
- najbolji senior-Karić Izudin –KBS Orlova kandža.

Savez udruženja građana sportskih klubova općine Banovići

Savez udruženja građana sportskih klubova općine Banovići (SUGSK Općine Banovići) je osnovan 19.08.2005.godine kao organizacija čija je osnovna djelatnost da zajedno sa udruženim članicama, stvara uslove za organizovanje, provođenje i razvoj masovnog i takmičarskog sporta na području općine Banovići. Izvještajna i izborna skupština održane su u septembru 2019. godine.

Na području općine Banovići djeluje i radi 21 sportska udruženja koje su članice

SUGSK općine Banovići a to su :

FK "Budućnost" Banovići

FK "Vrana" Banovići Selo

FK "Srnica" Treštenica

FK "Grivice"

FK "Oskova"

FK "Omazići 1937"

Malonogometni klub "Banovići"

Omladinski rukometni klub "Rudar" Banovići

Muški košarkaški klub "Litva" Banovići

Ženski košarkaški klub "RMU" Banovići

Invalidski odbojkaški klub "Tigar" Banovići

Invalidski Streljački klub Banovići

Šahovski klub "Banovići"

Sportsko ribolovno društvo "Klen" Banovići

Općinski nogometni savez Banovići

Stonoteniski klub Banovići

Klub borilačkih vještina "FOX" Banovići

Školsko sportsko društvo općine Banovići

Klub borilačkih sportova "Banovići"

Karate klub Banovići

Tae kwon do klub "Laste" Banovići

Uključivanje mladih u sport i školska takmičenja

Nosioci sportskog razvoja su sportski klubovi i škole sporta koje rade pri sportskim klubovima. Takođe, Školsko sportsko društvo općine Banovići u 2019.godini se veoma značajno angažovalo na razvoju školskog sporta i organizaciji liga u raznim granama sporta po školama.

SUGSK općine Banovići preko sredstava koja se izdvajaju za ovu namjenu iz budžeta općine Banovići pomaže sportske klubove u njihovom radu.

Stvaranjem uvjeta mladim i talentiranim sportašima da ostvare svoje optimalne sportske rezultate podstiče se razvoj sporta i doprinosi ugledu svojih sredina.

Razvoj školskog sporta bi trebalo da bude temelj razvoja sporta i svi bi od njega trebalo da imaju koristi u budućnosti. Ovaj oblik bavljenja sportom ne zahtijeva velika materijalna ulaganja, a postiže maksimalni učinak. U ovim aktivnostima učestvuje velika školska populacija djece, stručni nastavni kadar po školama koji radi sa tom djecom, te se koriste fiskulturne sale i poligoni te školske rekviziti.

U saradnji sa Školskim sportskim društvom SUGSK općine Banovići već dugi niz godina se organizuju školska sportska takmičenja u odbojci, košarki, malom nogometu i šahu. Pobjednici ovih takmičenja učestvuju dalje na kantonalnim i federalnim školskim takmičenjima, a Školsko sportsko društvo je bilo i suorganizator Kantonalnog takmičenja za osnovne škole za dječake i djevojčice u košarci.

Organizacija planskih sportskih aktivnosti

U skladu sa predviđenim planom SUGSK općine Banovići je pristupao realizaciji planiranih aktivnosti, a izdvajaju se manifestacija „Izbor sportiste općine Banovići“, organizacija općinskog školskog takmičenja u odbojci i malom nogometu u saradnji sa Školskim sportskim društvom općine Banovići, tehnička pomoć klubovima sa područja općine Banovići prilikom prijavljivanja na javne pozive.

Statusi klubova

Nogomet je na Općini najmasovniji sport, i ima registrovanih 6 Klubova I to: FK „Budućnost“ Banovići, FK „Vrana“ Banovići selo, FK „Srnica“ Treštenica, FK „Oskova“ „FK „Grivice“, FK „Omazići 1937“.

Pored velikog fudbala, na općini postoji i takmiči se Malonogometni klub Banovići.

Košarkaški klubovi u općini Banovići su Muški košarkaški klub „Litva“ i Ženski košarkaški klub „RMU“ Banovići.

MKK „Litva“ Banovići se takmiči u A2 ligi grupa „sjever“, i radi samo sa seniorskom selekcijom.

ŽKK „RMU“ Banovići se takmiči u Premijer ligi BiH i na kraju redovnog dijela sezone su zauzele prvo mjesto, Osvajač su KUP-a BiH, što su najbolji rezultati ostvareni u povijesti kluba. ŽKK „RMU“ Banovići se takmiči i u međunarodnoj WABA ligi gdje postiže dobre rezultate. Pored seniorske klub ima sve starosne selekcije (pionirke, kadetkinje, juniorke), sa kojima radi i takmiči se.

Borilački sportovi su (Karate, tae-kwon-do, boks i borilačke vještine) sve masovniji i postižu zapažene rezultate. Imamo 4 kluba registrovana na našoj Općini i to: KBS Banovići, Karate klub Banovići, KBV „FOX“ Banovići i Tae kwon do klub „Laste“ Banovići.

Omladinski rukometni klub „Rudar“ Banovići, se takmiči u I federalnoj ligi. U svom sastavu ima mlade selekcije sa kojima učestvuje u ligi i takmiči se.

U općini djeluju Sportsko-ribolovno društvo „Klen“ Banovići, koje okupljaj veći broj članova, radi i takmiči se sa svim selekcijama i šahovski klub „Banovići“ koji učestvuje i takmiči se u IA liga F/BiH.

Sportski savez Općine Gradačac

Sportske aktivnosti na području općine Gradačac u prošloj godini odvijale su se kroz plansku aktivnost Sportskog saveza i redovan kalendar takmičenja sportskih klubova koji se takmiče u svojim sportskim granama.

Organizacija planskih sportskih aktivnosti

Na redovnom sastanku predsjedništva Sportskog saveza općine Gradačac, koji je održan 11.2.2019.godine, usvojen je program rada Saveza za 2019. godinu, koji je tokom godine uspješno realizovan.

Uključivanje mladih u sport i školska takmičenja

Sportska takmičenja škola sa područja općine Gradačac koja su organizovana u 2019. godini su takmičenje u odbojci, košarci, rukometu, malom nogometu, te atletski KUP.

18.03.2019. u sportskoj dvorani u Gradačcu održano je općinsko takmičenje u odbojci za osnovne i srednje škole sa područja općine Gradačac u ženskoj i muškoj konkurenciji. Ukupno je odigrano 13 utakmica u svim kategorijama i nastupilo je preko 170 takmičara. U konkurenciji osnovnih škola učešće je uzelo 11 škola, 6 u muškoj i 5 u ženskoj kategoriji, dok su srednjoškolci učešće uzeli sa 4 ekipe, po dvije u muškoj i ženskoj konkurenciji.

Nakon odbojkaškog, naredno takmičenje osnovnih i srednjih škola sa područja općine Gradačac, u organizaciji Sportskog saveza općine Gradačac, bilo je takmičenje u košarci, koje je održano 26.03.2019. godine u gradskoj sportskoj dvorani u Gradačcu. U muškoj i ženskoj

kategoriji u konkurenciji osnovnih škola prijavljeno je 10, dok je u konkurenciji srednjih škola prijavljeno 4 ekipe. Ukupno je na ovom takmičenju nastupilo oko 140 takmičara i odigrano je 12 utakmica.

Takmičenje u rukometu je održano 03.04.2019.godine na sportskom poligonu „Luke“ u Gradačcu. Uz prijavljenih 13 ekipa i blizu 200 takmičara, odigrano je 11 utakmica, 9 u konkurenciji osnovnih škola i dvije srednjih.

Mali nogomet je bio četvrto po redu sportsko takmičenje osnovnih i srednjih škola sa područja općine Gradačac u 2019. godini. Održano je 18.04.2019. godine na sportskom poligonu „Luke“ Gradačac. U konkurenciji osnovnih škola prijavljeno je 12 ekipa, 7 muških i 5 ženskih, dok su u srednjoškolskoj konkurenciji prijavljene 4 ekipe, pod vije muške i ženske. Odigrano je ukupno 14 utakmica, a učestvovalo je 190 učenika i učenica.

Atletski KUP osnovnih i srednjih škola održan je 26.04.2019. godine na gradskom stadionu „Banja Ilidža“ u Gradačcu. Takmičari su se nadmetali u sedam atletskih disciplina: bacanje kugle, skok u dalj, trka na 60 metara, trka na 300 metara, trka na 600 metara, trka na 1000 metara i štafeta 4 x 100 metara u konkurenciji osnovnih škola, dok su se srednjoškolci nadmetali u sljedećim disciplinama : bacanje kugle, skok u dalj, trka na 100 metara, trka na 400 metara, trka na 600 metara, trka na 1000 metara i štafeta 4 x 100 metara. Iz 7 osnovnih škola sa područja općine Gradačac i dvije srednje, na ovom takmičenju je nastupilo oko 100 takmičara.

Također, u 2019. godini u saradnji sa OŠ „Hasan Kikić“ Gradačac održana su općinska školska takmičenja u šahu i stonom tenisu.

Sportski rezultati klubova i pojedinaca:

Dana, 25.2.2019., u gradskoj sportskoj dvorani održana je manifestacija Izbor sportiste godine „Gradačac 2018“. Ukupno su podijeljena 22 sportska priznanja, u pojedinačnim i ekipnim sportovima i sportovima osoba sa invaliditetom.

U pojedinačnim sportovima podijeljeno je 6, a u ekipnim 13 priznanja u pionirskoj, kadetskoj, juniorskoj i seniorskoj konkurenciji, te za najuspješnije ekipe, trenere, sportske radnike i donatore, kao i za najuspješniju sportsku školu, osnovnu i srednju školu i najuspješnijeg profesora tjelesnog odgoja.

Općina Sapna

Na području općine Sapna ne postoji Sportski savez, a za sport su nadležne općinske službe. Na području općine od registrovanih 11 sportskih udruženja, u smislu zvaničnih takmičenja i kontinuiranog rada aktivna su samo 2 kluba i to :

1. Odbojkaški klub invalida „Drina“ Sapna
2. FK „Sapna“

OKI „Drina“ Sapna je najjači i najtrofejniji klub sa područja općine Sapna koji se takmiči u Premijer ligi BiH u sjedećoj odbojci i trenutno zauzima 4. mjesto na kraju jesenjeg dijela prvenstva.

FK „Sapna“ se takmiči u Trećoj kantonalnoj ligi-istok gdje zauzima 2. mjesto na kraju jesenjeg dijela takmičarske sezone.

4 PODRŠKA RAZVOJU SPORTA OD STRANE ORGANA VLASTI

Podrška razvoju oblasti tjelesne kulture i sporta vrši se iz budžeta različitih nivoa vlasti. Ministarstvo civilnih poslova Bosne i Hercegovine, Federalno ministarstvo kulture i sporta, Ministarstvo porodice, omladine i sporta Republike Srpske, Odjeljenje za privredni razvoj, sport i kulturu Brčko distrikta BiH, kantonalna ministarstva nadležna za oblast sporta te jedinice lokalne samouprave u BiH su institucije zadužene za dodjelu budžetskih sredstava za razvoj sporta u Bosni i Hercegovini. Ove institucije definišu i implementiraju programe podrške razvoju sporta, a osnovne informacije o programu poticaja Ministarstva civilnih poslova BiH, Federalnog ministarstva kulture i sporta, Ministarstva Tuzlanskog kantona i lokalnih zajednica na području Tuzlanskog kantona u 2019. godini dajemo u nastavku.

4.1 Podrška Ministarstva civilnih poslova BiH sportskim manifestacijama u 2019. godini

Ministarstvo civilnih poslova Bosne i Hercegovine sredstva za sport dodjeljuje na osnovu kriterija koje donosi za svaku godinu. U proteklih nekoliko godina sredstva su se dodjeljivala na osnovu Odluke o kriterijima za raspored sredstava namijenjenih za tekući grant „Sufinansiranje sportskih manifestacija“ na osnovu koje se raspisivao Javni konkurs za dodjelu sredstava namijenjenih za tekući grant “Sufinansiranje sportskih manifestacija”. Pravo na dodjelu sredstava imali su Olimpijski komitet Bosne i Hercegovine, Paraolimpijski komitet Bosne i Hercegovine, Specijalna olimpijada u Bosni i Hercegovini, sportski savezi registrirani na nivou Bosne i Hercegovine i entiteta, sportski savezi osoba sa invaliditetom registrirani na nivou Bosne i Hercegovine i entiteta, i sportski klubovi, škole sporta i sportske akademije u Bosni i Hercegovini koji organiziraju ili učestvuju na međunarodnim sportskim manifestacijama.

Međutim, **u 2019. godini Ministarstvo civilnih poslova nije dodjeljivalo sredstva za sport**, što pokazuje da finansijska sredstva i u vremenu blagog ekonomskog rasta nisu adekvatno usmjerena na oblasti za koje su predviđena. **Nerealizacija projekata sa državnog nivoa vlasti značajno tereti ostale nivoe vlasti**, ali ukazuje i na potencijalne probleme i nedovoljan angažman za unapređenje u oblasti sporta, posebno kada se radi o reprezentativnim selekcijama.

I u godinama u kojima je Ministarstvo civilnih poslova Bosne i Hercegovine dodjeljivalo sredstva za sport vidljivo je da je izuzetno nisko učešće korisnika sa područja Tuzlanskog kantona. Posmatrajući iznose odobrenih sredstava za sportskim organizacijama sa područja Tuzlanskog kantona vidljivo je da su isti izuzetno mali.

Ako bi se u potpunosti poštivao pravni okvir sredstva namijenjena sportskim organizacijama bi se daleko kvalitetnije ali i u znatno većem iznosu raspoređivala u kantonalnim i lokalnim zajednicama. S tim da poseban tretman sa državnog nivoa vlasti treba da imaju reprezentativni nastupi i pojedinci koji nastupaju za reprezentaciju Bosne i Hercegovine.

4.2 Poticaji razvoju sporta od strane Federalnog ministarstva kulture i sporta

Federalno ministarstvo kulture i sporta je u okviru Javnog poziva za odabir programa i projekata koji će se sufinansirati iz Budžeta Federacije Bosne i Hercegovine u 2019. godini putem Transfera za sport od značaja za Federaciju odobrilo ukupno 281 korisnika. Odabir programa i projekata vršen je za slijedeće namjene: sufinansiranje izgradnje, rekonstrukcije i opremanja sportskih objekata, sufinansiranje sportskih manifestacija koje se organizuju u Federaciji BiH i sufinansiranje sudjelovanja sportista na zvaničnim međunarodnim takmičenjima, djelatnosti sportskih saveza konstituisanih na nivou BiH i FBiH, te sufinansiranje sportskih manifestacija i klubova osoba sa invaliditetom. Pregled iznosa dodijeljenih sredstava po pojedinim namjenama programa/projekata u okviru Javnog poziva

za odabir programa i projekata koji će se sufinansirati iz Budžeta Federacije Bosne i Hercegovine u 2019. godini putem Transfera za sport od značaja za Federaciju Federalnog ministarstva kulture i sporta, sa ukupnim brojem korisnika, kao i pregled broja korisnika sa područja Tuzlanskog kantona, iznosa dodijeljenih sredstava te učešća korisnika sa područja Tuzlanskog kantona dat je u Tabeli 1.

Tabela 1. Pregled iznosa dodijeljenih sredstava po pojedinim namjenama programa/projekata u okviru Javnog poziva za odabir programa i projekata koji će se sufinansirati iz Budžeta Federacije Bosne i Hercegovine u 2019. godini putem Transfera za sport od značaja za Federaciju Federalnog ministarstva kulture i sporta sa brojem korisnika kao i učešćem korisnika sa područja TK⁶

RB	Namjena programa i projekata	Ukupno odobreni iznos FMKS u 2019. godini	Ukupan broj korisnika	Broj korisnika sa TK	Učešće broja korisnika sa TK u ukupnom broju korisnika odobrenih sredstava FMKS	Ukupno dodijeljeni iznos korisnicima sa TK	Učešće korisnika sa TK u ukupno odobrenim sredstvima FMKS
1	Sufinansiranje izgradnje, rekonstrukcije i opremanje sportskih objekata	500,000	82	5	6.1%	28,000	5.6%
2	Sufinansiranje sportskih manifestacija koje se organiziraju u Federaciji BH i sufinansiranje učešća sportista na zvaničnim međunarodnim takmčenjima	300,000	170	21	12.4%	33,000	11.0%
3	Djelatnosti sportskih saveza konstituisanih na nivou BiH i FBiH	150,000	24	0	0.0%	0	0.0%
4	Sufinansiranje sportskih manifestacija i klubova osoba sa invaliditetom	60,000	28	4	14.3%	8,000	13.3%
	Ukupno	1,010,000	304	30	9.9%	69,000	6.8%

U okviru navedenog Javnog poziva, Federalno ministarstvo kulture i sporta dodijelilo je ukupno 1.010.000,00KM za 281 korisnika. Od ukupnog broja korisnika (281) njih 30 je sa područja Tuzlanskog kantona što čini 9,9% od ukupnog broja odabranih korisnika u okviru navedenog Javnog poziva. Trideset korisnika sa područja Tuzlanskog kantona povuklo je iznos od 69.000,00 KM što čini 6,8% od ukupnog iznosa dodijeljenih sredstava. Iznos sredstava dodijeljen za korisnike sa područja Tuzlanskog kantona manji je nego u 2018. godini kada je za sportske organizacije sa područja Tuzlanskog kantona dodijeljeno 110.000,00 KM.

Najveći broj korisnika sa područja Tuzlanskog kantona podržan je u okviru oblasti Sufinansiranje sportskih manifestacija koje se organiziraju u Federaciji BH i sufinansiranje učešća sportista na zvaničnim međunarodnim takmčenjima, i to njih 21.

Pregled podržanih korisnika sa područja Tuzlanskog kantona sa iznosom dodijeljenih sredstava prezentiran je u Tabeli 2.

⁶ Izvor: Rezultati Javnog poziva za odabir programa i projekata koji će se sufinansirati iz Proračuna Federacije Bosne i Hercegovine u 2019. godini putem Transfera za sport od značaja za Federaciju - <http://fmks.gov.ba/stara/javni-pozivi-i-konkursi/156-javni-poziv-za-odabir-programa-i-projekata-koji-ce-se-sufinancirati-iz-proracuna-federacije-bosne-i-hercegovine-za-2019-godinu/825-rezultati-javnog-poziva-za-odabir-programa-i-projekata-koji-ce-se-sufinancirati-iz-proracuna-federacije-bosne-i-hercegovine-u-2019-godini-putem-transfera-za-sport-od-znacaja-za-federaciju>

Tabela 2. Pregled korisnika sa područja Tuzlanskog kantona podržanih u okviru Javnog poziva za odabir programa i projekata koji će se sufinansirati iz Budžeta Federacije Bosne i Hercegovine u 2019. godini putem Transfera za sport od značaja za Federaciju Federalnog ministarstva kulture i sporta sa iznosom dodijeljenih sredstava

Oblast namjene sredstava	Naziv korisnika	Sjedište	Iznos dodijeljenih sredstava
Sufinansiranje izgradnje, rekonstrukcije i opremanje sportskih objekata	Nogometni klub "Bratstvo-Gračanica"	Gračanica	5,000
	Fudbalski klub "Budućnost" Banovići	Banovići	4,000
	JU "Sportsko- kulturni centar" Banovići	Banovići	5,000
	JP SKPC „Mejdan“ Tuzla	Tuzla	10,000
	JP "Karaula" d.o.o.za turizam, proizvodnju i usluge, Kladanj	Kladanj	4,000
Sufinansiranje sportskih manifestacija koje se organiziraju u Federaciji BH i sufinansiranje učešća sportista na zvaničnim međunarodnim takmičenjima	Biciklistički klub „Zmaj od Bosne“ Tuzla	Tuzla	2,000
	Atletski klub „Sloboda Tehnograd“ Tuzla	Tuzla	1,500
	Ženski odbojkaški klub „Tuzla“ Tuzla	Tuzla	1,000
	Ženski odbojkaški klub "SMEČ" Lukavac	Lukavac	2,000
	Rukometni klub "Sloboda-Solana" Tuzla	Tuzla	1,500
	Regionalni košarkaški savez - Tuzla	Tuzla	1,500
	Šahovski savez Tuzlanskog kantona	Tuzla	1,000
	Malonogometni klub „Bosna –Kompred“ Tuzla	Tuzla	1,000
	Omladinski šahovski klub Živinice	Živinice	1,000
	Džudo klub „Lukavac“ Lukavac	Lukavac	1,500
	Rukometni klub „Konjuh“ Živinice	Živinice	1,500
	Ženski košarkaški klub RMU-Banovići	Banovići	2,000
	Sportski savez Tuzlanskog kantona	Tuzla	2,000
	Karate savez Tuzlanskog kantona	Tuzla	1,000
	Klub borilačkih sportova Banovići	Banovići	2,000
	Radničko sportsko društvo Sloboda Tuzla	Tuzla	3,000
	Karate klub „Pobjednik“ Tuzla	Tuzla	2,000
	Karate klub "Doboj Istok" Klokotnica	Doboj Istok	1,000
	Ženski odbojkaški klub "Jedinstvo" Tuzla	Tuzla	1,000
	Klub borilačkih sportova "Tuzla-Sinbra" Tuzla	Tuzla	1,500
Udruženje građana Bokserski klub "Živinice"	Živinice	2,000	
Sufinansiranje sportskih manifestacija i klubova osoba sa invaliditetom	Streljački klub osoba sa invaliditetom	Živinice	2,000
	Streljački invalidski klub "Tuzla" Tuzla	Tuzla	2,000
	Streljačko udruženje "Strijelac" Devetak	Tuzla	2,000
	Eko ronilačka grupa invalida Lukavac	Lukavac	2,000
UKUPNO			69,000

Korisnici sa područja Tuzlanskog kantona koji su podržani u okviru navedenog Javnog poziva su iz 7 lokalnih zajednica, pri čemu su u najvećoj mjeri zastupljeni korisnici sa područja Tuzle (16), Živinica (4), Banovića (4) i Lukavca (3).

Ovdje je potrebno istaći i da je Federalno ministarstvo kulture i sporta u okviru Javnog konkursa za raspodjelu dijela prihoda ostvarenih po osnovu naknada za priređivanje igara na sreću, sufinansiralo projekte programe koji se, između ostalog odnose na promicanje razvoja profesionalnog i amaterskog sporta s ciljem povećanja sredstava fonda za nagrađivanje za istaknute sportske rezultate. Za ove projekte u 2019. godini dodijeljeno je ukupno 189.000,00 KM za 51 korisnika.⁷ Među korisnicima kojima su dodijeljena sredstva nema niti jedne sportske organizacije sa područja Tuzlanskog kantona.

Iz navedenog se može zaključiti da su sredstva koja se dođeljuju sa federalnog nivoa vlasti sportskim organizacijama sa područja Tuzlanskog kantona izuzetno mala.

4.3 Podrška razvoju sporta iz sredstava Budžeta Tuzlanskog kantona za 2019. godinu

Članom 76. Zakona o sportu, propisano je da se finansiranje sporta vrši iz javnih sredstava, kojima se podstiče obavljanje sportskih djelatnosti, u skladu sa kriterijima koje utvrđuje Vlada Kantona, odnosno nadležni organ opštine. Istim članom propisano je da se iz Budžeta Kantona sportske djelatnosti sufinansiraju u iznosu do 1% prihoda budžeta Kantona, izuzimajući finansiranje, kao i vlastite i namjenske prihode budžetskih korisnika, a prema usvojenom Budžetu Tuzlanskog kantona za 2019. godinu 1% iznosi 3.443.970,00 KM. U 2019. godini za potrošačkom mjestu tjelesna kultura i sport planirano je 655.000,00 KM

U prosjeku je u posljednjih 17 godina za sport izdvajano oko 800.000,00 KM godišnje. Najveći iznos sredstava koji je planiran u budžetu je 1.297.000,00 KM koja su bila izdvojena u Budžetu za 2011. godinu. U periodu 2015.-2017.godina iznos za podršku sportu bio je na nivou od 400.000,00 KM. Od 2018. godine iznos sredstava za sport se neznatno povećavao, te su u 2019. godini sredstva za podršku razvoju tjelesnoj kulturi i sportu povećana za 150.000,00 KM u odnosu na sredstva u 2018. godini, te su iznosila ranije pomenutih 655.000,00 KM.

U 2019. godini Ministarstvo Tuzlanskog kantona podržalo je programe/projekte sportskih organizacija kroz sistem sufinansiranja, u ukupnom iznosu od 592.898,00 KM. Od ovog iznosa 392.808,00 KM odobreno je za projekte nosilaca sportskih aktivnosti koji su ispunjavali uslove na Javnom pozivu za sufinansiranje programa/projekata sportskih organizacija u oblasti tjelesne kulture i sporta za 2019. godinu, na osnovu pojedinačnih zahtjeva sportskih organizacija podržana su 32 projekta u ukupnom iznosu od 115.000,00 KM. Sredstva za redovno sufinansiranje Sportskog saveza Tuzlanskog kantona iznosila su 37.192,00 KM. U 2019. godini po prvi puta su u skladu sa odredbama Zakona o sportu dodijeljena sredstva za redovno sufinansiranje Sportskog saveza osoba sa invaliditetom koja su iznosila 7.000,00 KM. Tako je i u ovom segmentu nastavljen trend, koji, kroz već pomenuti sistem sufinansiranja, podrazumjeva podršku razvoju sportskih organizacija sa područja Tuzlanskog kantona. Pored sredstava sportskim organizacijama dodijeljene su i sportske stipendije putem Javnog poziva za dodjelu sportskih stipendija vrhunskim, kvalitetnim i perspektivnim sportistima za 2019. godinu. Ukupno je dodijeljeno 13 stipendija vrijednosti 34.800,00 KM, a koje su ostvarili sportisti koji su ispunjavali kriterije po javnom pozivu. Iako je u budžetu za ove namjene bio planiran daleko veći iznos sredstava (81.000,00 KM) realizovano je 43% planiranih sredstava. Razlog tome je nedovoljan broj aplikacija koji

⁷ Izvor: Rezultati raspodjele sredstava iz dijela prihoda ostvarenih po osnovu naknada za priređivanje igara na sreću, <http://fmks.gov.ba/stara/javni-pozivi-i-konkursi/rezultati-javnih-poziva/799-rezultati-raspodjele-sredstava-iz-dijela-prihoda-ostvarenih-po-osnovu-naknada-za-priredivanje-igara-na-srecu>.

ispunjavaju uslove za dodjelu stipendije, što je još jedan od pokazatelja za hitne mjere kojima će se očuvati tradicija ostvarivanja vrhunskih sportskih rezultata sportista sa područja Tuzlanskog kantona.

Po osnovu Javnog poziva za sufinansiranje programa/projekata sportskih organizacija u oblasti tjelesne kulture i sporta za 2019. godinu odobreno je 392.808,00 KM za 181 projekat. Pregled raspodjele sredstava prema pojedinim kategorijama dat je u Tabeli 3.

Tabela 3. Pregled broja projekata i iznosa dodijeljenih sredstava po pojedinim kategorijama u okviru Javnog poziva za sufinansiranje programa/projekata sportskih organizacija u tjelesne kulture i sporta za 2019. godinu.

Kategorija	Broj podržanih projekata	Iznos dodijeljenih sredstava	% učešća u raspodjeli sredstava
Vrhunski sport (pojedinačni sportovi)	10	42.406	10.8%
Kvalitetni sport (kolektivni sportovi)	25	106.058	27.0%
Kvalitetni sport (pojedinačni sportovi)	18	28.300	7.2%
Sport lica sa invaliditetom	20	58.921	15.0%
Tjelesne aktivnosti i sportske igre koje okupljaju veliki broj djece i omladine s ciljem pravilnog razvoja i unapređivanja zdravlja-Školski sport	3	2.500	0.6%
Tjelesne aktivnosti i sportske igre koje okupljaju veliki broj djece i omladine s ciljem pravilnog razvoja i unapređivanja zdravlja-Omasovljenje sporta i afirmacija uloge sporta u društvu posebno kod mladih, školske i studentske omladine.	60	65.123	16.6%
Sportski odgoj i obrazovanje	1	1.000	0.3%
Organizacija sportskih manifestacija.	40	51.500	13.1%
Pružanje usluga korištenja sportskog objekta na ime trenažnog procesa u oblasti sporta	4	37.000	9.4%
Ukupno	181	392.808	100.0%

Kao što se može zaključiti iz Tabele 3., najveći iznos sredstava odobren je za vrhunski i kvalitetni sport (45%), a značajna pažnja posvećena je sportu lica sa invaliditetom za koje namjene je odobreno 15% od ukupnog iznosa sredstava.⁸

U Tabeli 4. dat je pregled broja podržanih projekata i iznosa dodijeljenih sredstava u okviru Javnog poziva za sufinansiranje programa/projekata sportskih organizacija u oblasti tjelesne kulture i sporta za 2019. godinu, po sjedištima korisnika. Međutim, ovdje je potrebno napomenuti da je u tabeli izdvojena kategorija projekti sportskih organizacija čije je djelovanje na nivou Tuzlanskog kantona iz razloga što su u okviru Javnog poziva odobreni projekti sportskim savezima koji su organizovani na nivou Kantona, a čiji projekti su namijenjeni za sve udružene članice saveza čija sjedišta su na područjima različitih lokalnih zajednica Tuzlanskog kantona. Iz navedenog razloga svrstavanje saveza na nivou Tuzlanskog kantona prema registrovanom sjedištu ne bi osiguralo pravilnu projekciju raspodjele finansijskih sredstava prema sjedištu korisnika odnosno lokalnim zajednicama.

⁸ Sredstva dodijeljena sportskim organizacijama i sportistima putem javnih poziva u oblasti tjelesne kulture i sporta <http://www.mksmtk.gov.ba/view-more/potpisani-ugovori-o-dodjeli-sredstava-za-sufinansiranje-programa-projekata-u-oblasti-sporta/230>


Tabela 4. Pregled broja projekata i iznosa dodijeljenih sredstava u okviru Javnog poziva za sufinansiranje programa projekata sportskih organizacija u oblasti tjelesne kulture i sporta za 2019. godinu prema sjedištu korisnika

Sjedište korisnika	Iznos dodijeljenih sredstava	Učešće u ukupnom iznosu dodijeljenih sredstava	Broj korisnika	Učešće u ukupnom broju korisnika
Banovići	25,300	7.3%	15	8.3%
Doboj Istok	9,300	2.7%	5	2.8%
Gračanica	13,500	3.9%	11	6.1%
Gradačac	15,000	4.3%	6	3.3%
Kalesija	11,308	3.3%	5	2.8%
Kladanj	6,500	1.9%	4	2.2%
Lukavac	45,671	13.2%	28	15.5%
Srebrenik	11,500	3.3%	9	5.0%
Teočak	3,500	1.0%	3	1.7%
Tuzla	169,306	49.0%	78	43.1%
Živinice	30,250	8.8%	15	8.3%
FBIH Sarajevo	4,500	1.3%	2	1.1%
Ukupno	345,635	100.0%	181	100.0%

Na osnovu podataka prezentiranih u Tabeli 4. može se zaključiti da sportske organizacije koje imaju sjedište i područje djelovanja na nivou grada Tuzla prednjače prema broju, a time i iznosu odobrenih sredstava u okviru predmetnog Javnog poziva. Slijede sportske organizacije sa područja općina Lukavac, Živinice i Banovići.

Sportskim organizacijama sa područja lokalnih zajednica Tuzla, Živinice, Banovići i Lukavac dodijeljeno je 270.527,00 KM ili 78,3% od ukupne sume za raspodjelu prikazanu u tabeli 4., dok je ostalih 20,40 % ili 70.608,00 KM dodijeljeno ostalim lokalnim zajednicama (sedam opština). Od navedenog iznosa 1,3% ili 4.500 KM dodijeljeno je sportskim organizacijama koje imaju sjedište van Tuzlanskog kantona (konkretno Savez sjedeće odbojke BiH i Specijalna olimpijada u BiH sa sjedištem u Sarajevu). Razlog dodjele sredstava je taj što se radi projektima sa participacijom klubova i sportista sa područja TK, a što je u skladu sa kriterijima iz Vladine odluke. Sportskim savezima koji su organizovani na nivou Tuzlanskog kantona dodijeljeno je 47.173,00 KM, kao što su Sportski savez Tuzlanskog kantona, Sportski savez invalida Tuzlanskog kantona, Karate savez Tuzlanskog kantona i ostali savezi. Od lokalnih zajednica sa područja Tuzlanskog kantona, kao i 2018. godine, samo sportske organizacije sa područja Općine Čelić i Sapna nisu imale korisnika kojima su dodijeljena određena finansijska sredstva. U 2019. godini sa područja Općine Čelić prijavljen je jedan projekat koji nije zadovoljavao formalno pravne uslove javnog poziva. Vidljivo je dakle da ove četiri opštine prednjače u raspodjeli, međutim treba imati u vidu i da je najveći broj projekata i programa prijavljen iz navedenih općina.

Podršku sportu i sportskim klubovima za odlazak na međunarodna takmičenja kao i u organizaciji sportskih manifestacija od interesa za Tuzlanski kanton dala je i Vlada Tuzlanskog kantona, koja je za ove namjene iz Budžeta TK sa pozicije Tekuća rezerva izdvojila iznos od 5.000.00 KM Ženskom



košarkaškom klubu “RMU – BANOVIĆI” Banovići, za refundaciju troškova vezanih za organizaciju odigravanja finalnog turnira Kup-a BiH 2018/2019 održanog u periodu od 09.03.-10.03.2019. godine. Među manifestacijama koje su sufinansirane od strane Vlade Tuzlanskog kantona, a koje su bile od interesa za Kanton i kojima se vršila promocija Tuzlanskog kantona podržane su sljedeće manifestacije: „30 godina od titule prvaka Evrope“ KK „Jedinstvo Piemonte“ Tuzla i „Veče NFC borbi – mješovite borilačke vještine u MMA kavezu“. Također, od manifestacija koje su podržane preko potrošačkih jedinica Ministarstva treba izdvojiti dvije utakmice reprezentativnih muških rukometnih susreta između Bosne i Hercegovine – Finske i Bosne i Hercegovine – Bjelorusije, koje su odigrane u sklopu kvalifikacija za odlazak na Evropsko prvenstvo, Švedska 2020, održane u Tuzli u aprilu i junu 2019. godine.

4.4 Podrška razvoju sporta iz budžeta lokalnih zajednica Tuzlanskog kantona

U svrhu uvida u budžetska izdvajanja za sport na svim nivoima vlasti, intencija Ministarstva Tuzlanskog kanton bila je da se sagledaju izdvajanja za sport iz budžeta lokalnih zajednica na području Tuzlanskog kantona u 2019. godini. U cilju prikupljanja podataka iz budžeta lokalnih zajednica Ministarstvo je podatke tražilo od nadležnih službi lokalnih zajednica. Do momenta izrade ove informacije općine Teočak i Kalesija nisu dostavile podatke o izdvajanjima iz budžeta za sport.

Tabela 5. Pregled izdvajanja za sport iz budžeta lokalnih zajednica na području Tuzlanskog kantona u 2019. godini⁹

Grad/Općina	2019. godina
Banovići	432,410
Čelić	25,000
Doboj istok	66,000
Gračanica	670,063
Gradačac	485,080
Kladanj	149,104 (od čega 109.926 su kapitalna ulaganja u sportsku dvoranu)
Lukavac	519,600
Sapna	19,139
Srebrenik	435,200
Tuzla	3,307,180
Živinice	658,021
Ukupno Tuzlanski kanton	6,617,693

Na osnovu podataka iz Tabele 5. može se zaključiti da prema izdvajanjima za sport prednjači Grad Tuzla, a po visini izdvojenih sredstava slijede Grad Živinice i Grad Gračanica.

⁹ Izvor- dostavljeni podaci od lokalnih zajednica sa područja Tuzlanskog kantona

5 INSTITUCIONALNI I REGULATORNI OKVIR ZA SPORT NA PODRUČJU TUZLANSKOG KANTONA

Do kraja 2017. godine oblast sporta je bila u resornoj nadležnosti Ministarstva obrazovanja, nauke, kulture i sporta, a s obzirom na obim resornih nadležnosti ovog ministarstva sport je na određeni način bio marginaliziran u odnosu na resor obrazovanja. Od 01.01.2018. godine formirano je Ministarstvo u čiju nadležnost spada i oblast sporta.

Ministarstvo je u skladu sa strateškim opredjeljenjima Vlade Tuzlanskog kantona, usmjerenih prema razvoju oblasti kulture, sporta i unapređenja položaja mladih, tokom 2019. godine nastojalo da implementira planirane mjere i aktivnosti u resornoj oblasti.

Osnovni propis i akt najviše pravne snage kojim je uređena oblast sporta u Tuzlanskom kantonu je Zakon o sportu. Ovim zakonom uređuje se sport u Tuzlanskom kantonu i gradu/općinama na području Kantona, javni interes, ciljevi i nadležnost Kantona i grada/općina, definisani su osnovni pojmovi u oblasti sporta, utvrđeni osnovni principi u organizovanju sporta, obavljanje sportske djelatnosti, programiranje razvoja sporta, uspostavljanje i razvijanje sistema sportske kulture, prava i obaveze sportista, načini organizovanja domaćih i međunarodnih sportskih takmičenja i sportskih priredbi, izgradnja, održavanje i korištenje sportskih objekata, osnivanje i rad sportskih organizacija i sportskih saveza, organizovanje i rad ustanova i preduzeća u oblasti sporta, sportske aktivnosti invalida, nagrade i priznanja sportistima i sportskim organizacijama, zdravstvena zaštita sportista, sprečavanje i suzbijanje svih oblika nasilja i nedoličnog ponašanja gledalaca na sportskim takmičenjima, sprečavanje korištenja nedozvoljenih stimulativnih sredstava u sportu, stručni rad, informatika u sportu, finansiranje sportskih aktivnosti, nadzor nad provođenjem propisa i kaznene odredbe.

6 SMJERNICE RAZVOJA SPORTA NA PODRUČJU TUZLANSKOG KANTONA U 2020. GODINI

Jedan od ključnih dijelova Informacije o stanju u oblasti sporta na području Tuzlanskog kantona predstavljaju smjernice za razvoj sporta u 2020. godini kreirane na osnovu prezentiranih informacija u dokumentu. Realizacijom navedenih smjernica doprinijelo bi se unapređenju stanja u oblasti sporta na području Tuzlanskog kantona. Međutim, ovdje prije svega treba istaći da veliki dio predloženih aktivnosti nije samo u nadležnosti Ministarstva, već i drugih aktera, a realizacija planiranih aktivnosti zavisi od više faktora kao što su raspoloživa finansijska sredstva, spremnost sportskih saveza na saradnju i implementaciju planiranih aktivnosti, spremnost ostalih sportskih organizacija za aktivizam i djelovanje, uticaj odluka koje se donose na višim nivoima vlasti i slično. Ministarstvo će i pored takvih okolnosti, u skladu sa zakonskim obavezama, nastojati da usmjeri strateške ciljeve na one aktivnosti koje će u konačnici dati optimalne rezultate.

Smjernice za aktivnosti koje je potrebno realizirati u 2020. godini kako bi se doprinijelo unapređenju stanja sporta na području Tuzlanskog kantona značajno su se promijenile usljed novonastale situacije izazvane pandemijom COVID – 19. S toga se u ovoj informaciji daju kratkoročne i dugoročne smjernice. Kratkoročne smjernice se odnose na aktivnosti koje će se poduzeti u cilju ublažavanja posljedica koje su izazvane nastalom pandemijom i sa kojima su se sportske organizacije suočile. Dugoročne smjernice daju pregled aktivnosti kojima će se stanje u sportu značajno unaprijediti, odnosno koje zahtjevaju sistemsko djelovanje i značajno angažovanje kadrova, sredstava i vremena koje jedino kao takvo može dovesti do stvaranja kapaciteta za vrhunske sportske rezultate. One obuhvataju unapređenje regulatornog okvira za rad sportskih organizacija i razvoj sporta odnosno kontinuirano praćenje primjene Zakona o sportu i njegovih efekata te pripremu analiza i inicijativa za dalje unapređenje regulatornog okvira za oblast sporta. U tekstu koji slijedi daje se prikaz smjernica sa obrazloženjem kratkoročnih i dugoročnih efekata sveke od navedenih smjernica:

- Unapređenje regulatornog okvira za rad sportskih organizacija i razvoj sporta.

Formiranjem Ministarstva u 2018. godini započete su aktivnosti koje su za cilj imale unapređenje postojećeg stanja u oblasti sporta, a jedan od prvih koraka koji je poduzet kako bi se zacrtani cilj ostvario su izmjene i dopune zakona o sportu koje su usvojene u 2018. godini. U skladu sa odredbama Zakona o sportu neophodno je pristupiti izradi svih pratećih propisa koji će pobliže precizirati određene odredbe Zakona. Ovdje se prije svega misli na bliže propise o vođenju registra pravnih i fizičkih osoba u oblasti sporta koji će biti osnova za kvalitetniji način praćenja i nadzora nad pravnim i fizičkim osobama u sportu. U smislu navedenog Ministarstvo je programom rada za 2020. godinu planiralo donošenje pravilnika o vođenju registra pravih lica u oblasti sporta i pravilnika o vođenju registra fizičkih lica u oblasti sporta. Realizacijom planirane aktivnosti postižu se dugoročni efekti, koji za rezultat daju osnovu za izradu Strategije razvoja sporta Tuzlanskog kantona. Naime, podaci, koji će biti obuhvaćeni registrima, predstavljati će bazu podataka o udruženjima i fizičkim licima koja obavljaju sportsku djelatnost, a takođe će se na brži i efikasniji način prikupljati informacije u cilju izrade statističkih i drugih podataka u oblasti sporta. Registri će obuhvatiti i popis svih sportskih terena koje koriste nosioci sportskih aktivnosti, stručni kadar kao i broj članova svih sportskih pravnih lica.

U prethodnim godinama sprovedeno je niz analiza koje su ukazale da na području Tuzlanskog kantona ne postoji sistemsko i strateško usmjeravanje aktivnosti na one oblasti koje će ostvarivati najveće razvojne efekte u oblasti sporta. Stoga se kao izuzetna potreba nameće utvrđivanje sektorske strategije u oblasti sporta u svrhu planskog usmjeravanja razvoja sporta na području Tuzlanskog kantona, te stvaranja osnove za planiranje i implementaciju prioriternih mjera i aktivnosti koje će doprinijeti razvoju sporta na području Tuzlanskog kantona. Pored toga što će ukazati na prioritetne aktivnosti u oblasti sporta koje će ostvariti najveće razvojne efekte, ova Strategija bi bila i osnov za povlačenje eksternih finansijskih sredstava za realizaciju razvojnih projekata u oblasti sporta. Vlada Tuzlanskog kantona je, još u 2018. godini pokrenula aktivnosti vezano za izradu Strategije razvoja sporta Tuzlanskog kantona. Razlozi nedonošenja ovog akta su problemi nastali u radu Radne grupe za izradu Strategije razvoja sporta Tuzlanskog kantona, imenovana Rješenjem Vlade Tuzlanskog kantona broj: 02/1-40-10017/18 od 03.04.2018. godine, koji se odnose na pribavljanje podataka od sportskih klubova. Upravo zbog nepostojanja propisa koji na jedinstven način reguliše registrovanje pravnih lica u oblasti sporta (sportskih organizacija) pojavio se problem oko dostavljanja informacija o sportskim pravnim licima, potrebnih za izradu Strategije razvoja sporta, budući da većina sportskih organizacija je ili prestala sa radom ili je promijenila sjedište. Prilikom prikupljanja podataka od sportskih saveza (općinskih, granskih i kantonalnih) utvrđeno je da postoji velika usitnjenost organizovanja i neuvezanost sportskih organizacija, saveza i udruženja na području Tuzlanskog kantona. Sve navedeno imalo je za posljedicu dostavljanje različitih podataka od sportskih organizacija i saveza, a u određenim slučajevima i dupliranje podataka. Problemi zbog kojih određene programske aktivnosti nisu realizirane nastali su i usljed dobrovoljnog istupanja dvoje državnih službenika iz Ministarstva, od kojih je jedan bio predsjednik radne grupe koja je bila zadužena za izradu Strategije, a drugi jedini zaposlenik koji je radio na poslovima iz oblasti sporta. Iz navedenog razloga u Ministarstvu određeni period u 2019. godini nije bio niti jedan zaposlenik u Odjeljenju za sport i mlade. S tim u vezi, nakon što budu doneseni pravilnici i na osnovu njih uspostavljeni registri pravnih i fizičkih lica u oblasti sporta, neophodno je kadrovski ojačati Odjeljenje za sport i mlade kako bi se nastavile aktivnosti koje će kao krajnji rezultat imati donošenje najvažnijeg strateškog dokumenta u oblasti sporta na području Tuzlanskog kantona.

Upravo je zbog svega navedenog veliki značaj u formiranju pomenutih registara. Također, neophodno je kontinuirano praćenje primjene Zakona i njegovih efekata te priprema analiza i inicijativa za dalje unapređenje regulatornog okvira za oblast sporta, prvenstveno kroz rad

savjetodavnog tijela sa sport Ministarstva „Savjeta za sport“ koji je prema odredbama Zakona o sportu između ostalog nadležan za određeni dio aktivnosti u vezi Strategije razvoja sporta, godišnjeg programa razvoja sporta kantona, predlaganje propisa vezanih za sport, kao i predlaganje i podsticanje donošenja mjera za unapređenje sporta.

- **Jačanje kapaciteta sportskih organizacija na području Tuzlanskog kantona.** Uvažavajući nizak stepen povlačenja bespovratnih sredstava sa viših nivoa vlasti za projekte iz oblasti sporta sportskih organizacija sa područja Tuzlanskog kantona, neophodno je u narednom periodu raditi na kontinuiranom unapređenju informisanosti sportskih organizacija na području Tuzlanskog kantona, ali i jačanju njihovih kapaciteta za pripremu aplikacija za programe dodjele bespovratnih sredstava. U kontekstu korištenja poticajnih sredstava sa viših nivoa vlasti, neophodno je da Ministarstvo u saradnji sa Sportskim savezom Tuzlanskog kantona i Sportskim savezom osoba sa invaliditetom Tuzlanskog kantona radi na dodatnom animiranju sportskih organizacija za apliciranje za bespovratna sredstva od strane ministarstava na različitim nivoima vlasti. Dodatno, neophodno je i unapređivati nivo informisanosti ali i kapacitete za uspostavljanje partnerstava i pripremu projektnih aplikacija za međunarodne donatorske programe koji finansiraju razvojne projekte u sportu (ERASMUS+ sport i drugi). Jačanjem kapaciteta sportskih organizacija postižu se dugoročni efekti razvoja sporta. Međutim, uzimajući u obzir trenutne okolnosti zbog kojih je veliki broj sportskih takmičenja obustavljen i pitanje je kada će ista biti nastavljena upravo je ovu aktivnost moguće kategorizirati kao kratkoročnu i ista bi mogla da bude aktivnost kojoj treba posvetiti značajnu pažnju u 2020. godini, kako bi sportske organizacije bile spremne da u 2021. godini imaju ojačane kapacitete kako bi daleko kvalitetnije sprovodili svoje planske aktivnosti.

- **Podrška stručnom radu u oblasti sporta.** U svrhu podrške stručnom radu u oblasti sporta neophodno je da Ministarstvo nastavi razvijati i podržavati aktivnosti naučnih i stručnih institucija i potencijala Kantona sa ciljem edukacije stručnih osoba osposobljenih za rad u sportu. Također, u saradnji sa Ministarstvom zdravstva i javnim zdravstvenim ustanovama sa područja TK, neophodno je da Ministarstvo planira održavati informativno - konsultativne sastanke koji se odnose na realizaciju odluke Ministarstva zdravstva kojim se određuju zdravstvene ustanove za obavljanje zdravstvenih pregleda sportista.

- **Finansiranje i podrška razvoju sporta.** Neophodno je kontinuirano unapređivati kriterije i program raspodjele sredstava iz Budžeta Tuzlanskog kantona za podršku razvoju oblasti tjelesne kulture i sporta kao i sam iznos sredstava. Također, neophodno je sprovesti aktivnosti koje se odnose na realizaciju po preporukama revizije, čime će se značajno unaprijediti kriteriji na osnovu kojih će se dodjeljivati sredstva iz oblasti tjelesne kulture i sporta. U okviru finansiranja sporta potrebno je raditi na unapređenju kriterija za dodjelu stipendija i nagrada vrhunskim i perspektivnim sportistima. Cilj stipendiranja i nagrađivanja je animiranje mlađe populacije za bavljenje sportom kao preduslovom zdravog života, a poseban interes je stimulirati ih kako bi ostvarivali sportske rezultate koji su preduslov za ulazak u reprezentaciju Bosne i Hercegovine i ostvarivanje stipendija kako u svojoj državi tako i mogućnosti za ostvarivanje istih na prestižnim univerzitetima širom svijeta. Nadalje, potrebno je nastaviti aktivnosti kojim se podržavaju i razvijaju programi koji omogućavaju dalji razvoj i napredak vodećih klubova koji najviše doprinose popularizaciji sporta i sportskoj propagandi Tuzlanskog kantona. Kroz kriterije koji se budu donosili u 2020. godini potrebno je istim obuhvatiti prioritetne potrebe sportskih organizacija koje su nastale usljed pandemije, kako bi se takvim mjerama ostvarili kratkoročni efekti koji za cilj imaju očuvanje i sprečavanje urušavanja stanja u sportu na području Tuzlanskog kantona koje je i ranije imalo evidentnih nedostataka. Kroz takav vid pomoći sportskim organizacijama bi se omogućilo da sredstva koja im se budu doznačila imaju namjene ulaganja istih i za sufinansiranje troškova nabavke opreme za sportiste takmičare i djecu mlađeg uzrasta, troškova zaposlenih posebno stručnog kadra koji nije angažovan u mjeri u kojoj bi to trebalo da bude a što je propisano

odredbama Zakona o sportu, troškove trenažnog procesa i priprema za potencijalne učesnike na velikim sportskim takmičenjima (olimpijske igre, svjetska i evropska prvenstva) kojima je proces priprema produžen jer su sportska takmičenja odgođena i slično. Kako efikasni kratkoročni efekti doprinose kvalitetnijoj realizaciji dugoročnih ciljeva, ovakav pristup bi stvorio uslove za kreiranje programa u oblasti sporta koji bi imali daleko kvalitetniji razvojni efekat u narednim godinama.

- **Promocija bavljenja sportom i tjelesnom kulturom.** U svrhu promocije bavljenja sportom i tjelesnom kulturom posebno od strane djece neophodno je da Ministarstvo u saradnji sa drugim relevantnim akterima (sportski savezi, Fakultet za tjelesni odgoj i sport i dr.) sprovede niz aktivnosti u navedene svrhe koje bi uključivale promotivne kampanje, naučne skupove, okrugle stolove, posjete školama, promociju uspješnih sportista i sl. Također, neophodno je afirmacijom aktivnosti masovno-rekreacijskog karaktera i sportskih aktivnosti, stimulisati povećanje broja sportski aktivnih građana. Prije svega, neophodno je da Ministarstvo, kroz realizaciju projekta Malih olimpijskih igara u saradnji sa Sportskim savezom Tuzlanskog kantona, organizuje sportska takmičenja osnovnih i srednjih škola koja za cilj imaju promovisanje, podržavanje, i afirmisanju tjelesne kulture i sporta na nivou škola koji će za rezultata imati proširenje baze učesnika u raznim sportskim aktivnostima, kao osnove za unapređivanje i stvaranje mogućnosti za profesionalizam među mladim sportistima, u raznim sportovima. Međutim, ova aktivnost će se moći realizirati u 2020. godini ukoliko epidemiološka situacija bude zadovoljavajuća i ukoliko se uspostavi nastavak sportskih, nastavnih i ostalih aktivnosti. Svakako, ona jeste aktivnost koju treba kontinuirano sprovoditi i planirati je u programima rada jer ima i kratkoročni i dugoročni efekat na poboljšanje stanja u oblasti sporta. Promociju bavljenja sportom kontinuirano nastaviti kroz realizaciju TV emisija „Timski za sport“ i publikacijom informativnog časopisa o sportu „Sportski glasnik TK“. Pokazalo se da se na ovaj način radi najbolja promocija profesionalnog, amaterskog i školskog sporta, sa posebnim osvrtom na zapažene rezultate sportista, sportskih klubova, društava i asocijacija koji egzistiraju na području Tuzlanskog kantona, čiji rezultati često u javnosti opterećenoj dnevno političkim dešavanjima ostaju nezapažene. Takođe, kroz ova dva projekta nastaviti će se medijska promocija uspješnih sportskih organizacija, sportista i sportskih radnika sa područja svih gradova i opština Tuzlanskog kantona, kako bi se prvenstveno mlađoj populaciji približila važnost bavljenja sportom, ali i afirmacija aktivnosti masovno-rekreacijskog karaktera i sportskih aktivnosti, kako bi stimulisali povećanje broja sportski aktivnih građana, zbog važnosti bavljenja sportom za zdravlje.

- **Povezivanje i jačanje saradnje svih relevantnih aktera iz oblasti sporta na području Tuzlanskog kantona.** Realizacija prethodno navedenih smjernica mora biti praćena kontinuiranom i uskom saradnjom svih relevantnih aktera iz oblasti sporta na području Tuzlanskog kantona, što podrazumijeva redovne sastanke i komunikaciju Ministarstva Tuzlanskog kantona sa Ministarstvom civilnih poslova BiH, Federalnim ministarstvom kulture i sporta, Sportskim savezom Tuzlanskog kantona, Sportskim savezom invalida Tuzlanskog kantona, jedinicima lokalne samouprave Tuzlanskog kantona, Fakultetom za tjelesni odgoj i sport, udruženjima iz oblasti sporta na području Tuzlanskog kantona i drugim akterima.

BOSNA I HERCEGOVINA

Federacija Bosne i Hercegovine

TUZLANSKI KANTON

Ministarstvo za kulturu, sport i mlade

Broj: 11/1-36-12031/20
Tuzla, 08.06.2020. godine

